

常山貞石志

常山貞石志卷十

詔授朝議大夫直隸正定府知府今調廣平府知府前署大順府兵備道沈濤謨

唐七

李寶臣碑

碑高一丈八尺二寸廣七尺二寸九行行五十五字
正書篆額有碑陰永泰二年七月一日立今在正定

府治東
行臺內

成德軍節度使開府儀同三司檢校尚書右僕射兼御

史大夫恒州刺史充管內支度營田使清河郡王李公

紀功載政頌 并序

支度判官朝散大夫行監察御史王佑上

支度判官朝散大夫行監察御史王佑上

推勾官朝散大夫行太子司議

議萃編作儀誤

郎王士則書

并篆

惟天心

正萃編無明命

聖人保

保萃編作允誤成允萃

編無

克

克萃編無

戲

君非臣無以化

化臣非

君無以贊贊明明

君臣品配

配萃

編無

陰陽載

咸萃編無

歲

寶

寶萃編無

應皇

皇萃編無

帝嗣位敬統舊服惠周

於下下罔不格冬十一月

我亞相張公忠志率東諸

侯出復命元元以貞集

集萃編無

太和也先是祿山構

山構

二字萃編無

亂朋毒中夏力

力萃編無

政血刑

刑萃編無

覆忠良殖姦

冗蒸人側側不貳率乃戮

公越在東土受制字下為

侯於於萃編無恒克服服萃編無復園功在功在二字王室誕宣

我化靡○余○凶萃編無敷聞 帝庭奉若

元元萃編命作王誤命 帝曰休才正侯良才授

恒州刺史封密雲郡公表獻臣也臣也二字越○

○○○暉侮 玉度玉度二字擢○無○無人薄

三川威五長摺紳管管不自即乃工 公執在厲階登

若股上冈拂祇命命我亞亞萃編無○○○○○恤遣二

萃編○人心二字萃編無○德式○庶欲歸於 本朝朝

廷嘉茂功錫丕命授命授二字禮部尚書兼御史大夫

成德軍節度使清河郡王賜姓李改名寶臣改名寶臣四字萃編

無 詔曰二字萃編無懿審奉天威審奉天威四字萃編無○○

□□是用二字萃編無司國樞□□□□政政萃編無革風俗是

用摠朝憲率圉全趙開復東土是用苴白茅昭崇武功

允正師長是師長是三字萃編無用□□□□維城宗我□□

□□□守介二字萃編無名銘之景鍾永憲於於萃編無後公

固讓不獲祓奉天之明命惟祖惟父佐世有

勲享祿無□及□□大其門公四字萃編無天姿全姿全二字萃編

無德□□有有萃編無邦忠孝剛義明明萃編無直□亮家用自

我自我二字萃編無位□宜才初公牧恒元年為也為師剋

恒恒不堪命羣盜衆聚於於萃編無野人人萃編無□□□□

岡極公張官興政以上四字萃編無明武殛暴暴服如如萃編無

□人譏不□廬□□□以晏□□士馴業農力農力二字萃編

無稿工就務商通貨四者各正曰下下革日用乃以惟

二年以上五字革編無□□更更告公曰潯池會流暨于

城下天雨淫降潯湧泄岸潯岸二字波積如阜□灌灌

無乃□□恐為魚口日固久公以聚人慾□□元元

編□□流□若若天造局城巖巖居人坦坦庶庶

德合於於無疆冬十月公告成於四字革編無

先帝泊慶緒嗣凶自洛奔鄴修好於公公不敬敬

無編□由是二字革編無折□□得請命焉惟焉惟二字三

年二月上以思明作藩於薊□□□□四

月二字革編無思明篤叙不供賊鎮威衆俾公如薊將賊

公□公公革編無執忠起信以上三字革編無加加革編無害

○六月恒

三字萃編無

○復

復萃編無

公

公萃編無

○惟四年

夏

四字萃編無

大旱○滌甫田百

以上三字萃編無

穀如焚人曰祈

土龍

公曰非旱備乃貶躬之食勤人之○

神

○寅○朝而雨

雨萃編無

○日

日萃編無

○河朔大飢

恒有年也惟

以上九字萃編無

○秋大雨旬有五

以上三字萃編無

匪害稼不書政冬十一月思明外公以其黨辛萬

寶張軍於

軍於二字萃編無

○焉○一月

月萃編無

○

○臨

臨萃編無

○白下流○延於平人人用

齋咨涕洟籲

公如

天公曰不戢乃暴負乃人

憂夏四月戮萬寶

○保

保萃編無

○

○朝義

二字萃編無

○五州之侯戎曰厚賦

五字萃編無

無華訪於源

修之文訪於趙趙濟之克諧五州允奉如一虜

口口口口大開山東字記

王也初朝義播亡條命於公自

王師

□□□用勑馬時

戎羯飲化爰方啓行夫戎性嗜貪茂然俘軌殫寶虔劉

暴骨厚厲於懷人南自相魏邢以東至滄德蘇鄭正

公境宣服

公威惕惕翟翟攝進成序若 公在首五州之人無荒
陶風行於冀冀億之景願附 公昭請於 上上
集下望申命用良冀人熙熙睹化永休惟九年冬

帝念宗臣特拜右僕射端武主戎摠經外政欽
附彝典敬揚 天心繫 公德載於人人以蕃殖

冀贊

三主鋪敷四凶

聖容乃賢神

被乃祿其惟有終行才恒中耆老賈審祥 等師

揚言曰奸臣反常迭起東土人用慘黷殆無指告惟

公牧恒

天眷尔下尔有

君臣公正爾有

父

父萃

子

公保尔有灾厲

公奠尔有稼穡

公成

微

公疇依恒大地也庚曰昭茂德崇豐碑序成於文

庶永於世克建樂石勗揚頌聲頌曰

惟

君配天惟配臣

君螭螭

我公為

君武臣翼贊

皇家奄有世勲大盜跼跼荒

我東鄙孔填不夷元元靡恃恒人保

公乃有父子我

汝編汝萃無

載懲我年載登我用有孚尔無不承貞貞峨峨

永以垂頌惟

公之德不崩

永泰二年七月一

日建

右碑王佑撰王士則書并篆額佑兩唐書無傳惟見
新唐書王武俊傳云武俊與田悅等擅相王國號趙
以王士良司刑王佑司文士清司武並為尚書士則
武俊子見唐書本傳又見韓昌黎文集言其兄弟皆

能書其列銜有推勾官案新書職官志節度使之屬
有推官有衙推推勾疑卽推官李寶臣兩唐書有傳
碑敘歷官賜姓皆與史合惟舊書本傳止載封隴西
郡王新書藩鎮傳有進封隴西郡王皆無封清河郡
王事新書宰相世系表有之又舊書代宗紀寶應二
年卽廣德閏月戊申以史朝義下降將李寶臣爲檢

校禮部尙書兼御史大夫恒州刺史清河郡王充成
德軍節度使知寶臣始封清河後乃進封隴西世系
表止稱清河郡王與本傳不載始封清河皆失之疏
畧又碑敘授寶臣恒州刺史封密雲郡公攷此乃肅
宗時九節度圍相州時歸朝事也封密雲郡公見新

書藩鎮傳新書又載其封趙國公敕於第二次歸朝時舊書及此碑皆不載碑云惟三年二月上以思明作藩於薊又云思明爲彼不供賊鎮威衆攻思明以十三郡兵衆八萬之衆送降在至德二載十二月碑稱三年二月乃乾元二年二月見肅宗本紀新書本傳作元年誤碑又云九年冬特拜右僕射及寶臣收恒之九年當代宗永泰元年兩唐書皆不載其拜右僕射事惟代宗紀大曆三年閏月庚午相州薛嵩魏州田承嗣恒州李寶臣並加左右僕射又寶臣傳云遷左僕射蓋右字之誤

碑陰

三行上截十四行中截三十
三行下截十五行並行書

監軍使朝議郎行內給事員外置同正員賜金魚袋上

柱國王進條

缺上守奚官局丞員口置口正員張守清

條射男中大夫試太常

缺下

口口岳

朝議大夫試鴻

臚卿李惟

缺下

缺上

殿中

缺

惟誠

缺上

左金吾衛

缺下

軍

缺下

缺上

衛兵曹參軍李口口

試大理評事李

缺下

右
上
截

節度判官中散大夫檢校尚書兵部郎中兼侍御史上

柱國賜紫金魚袋劉昇

節度參謀朝散大夫檢校尚

書工部員外郎兼侍御史上柱國賜紫金魚袋王佐

文度判官兼掌書記朝散大夫殿中侍御史內供奉上

柱國賞紫金魚袋王佑 支度營田判官並節度掌書
記朝請大夫殿中侍御史內供奉上柱國賜紫金魚袋
祁真

節度叅謀朝散郎試大理司直並監察御史上柱國賜
緋魚袋呂□ 支度營田副使朝散大夫試少府少監
上柱國賜紫金魚袋官項

推勾官朝議郎試太子通事舍人上柱國賞緋魚袋杜
穎 孔目官朝散大夫試光祿少卿上柱國王光

孔目官朝散大夫試衛尉少卿上柱國李章 孔目官
朝散大夫試太僕少卿上柱國畢華 孔目官朝散大
夫試少府少監上柱國安都滔

逐要官朝散大夫試秘書省著作郎上柱國高昇 出
納糧料官朝議郎監察御史裏行賜緋魚袋上柱國呂
匡濟

出納糧料官銀青光祿大夫試太府卿上柱國成紀縣
開國男閭庭鏡 出納糧料官中散大夫試口王府司
馬上柱國龐暉

馬軍都使開府儀同三司右金吾衛大將軍使持節易
州諸軍事行易州刺史高陽軍使同成德軍節度副使
上柱國懷遠郡王李倍雄

節度押衙左廂步軍都使同節度副使開府儀同三司
殿中監兼左金吾衛大將軍上柱國食實封三百戶檢

林郡王康日知

節度押衙右廂步軍都使同節度副使銀青光祿大夫
試太常卿上柱國范陽縣開國男食邑三百戶盧侏
右廂馬軍都使開府儀同三司試太常卿兼左金吾衛
大將軍上柱國天水郡開國公食邑二千戶趙聞諸
左廂步軍十將銀青光祿大夫試太常卿上柱國劉如
份

左廂馬軍都使特進試太常卿上柱國隴西縣開國子
食邑五百戶李日新 成德軍副使知成德軍事銀青
光祿大夫試殿中監上柱國□國公陸濟

節度押衙左廂步軍十將金紫光祿大夫試太常卿隴

面縣開國子食邑五百戶上柱國李固烈 節度押衙
開府儀同三司試太常卿黎陽縣開國子食邑五百戶
康如玠

節度押衙銀青光祿大夫試少府監上柱國胡道琛
右廂步軍十將開府儀同三司試太常卿兼左金吾衛
大將軍左羽林軍上下同節度副使上柱國隴西郡開
國公食實封三百戶李惟忠

都知教練兼左右廂步軍都虞候同□□使持節試
□□卿兼左羽林軍大將軍上柱國衛常國 開府儀
同三司試太常卿兼左金吾衛大將軍上柱國太原縣
開國公食邑二千戶王萬勝

左廂馬軍十將銀青光祿大夫試太常卿上柱國辛忠
順 □府儀同三司試太常卿兼左金吾衛大將軍上
柱國安樂郡 □國公孫 □朱

節 □前將兼 □廂馬步 □虞候冠軍大將 □左
金吾衛大將軍兼試太常卿上柱國隴西縣開國 □食
邑五百戶李光庭 □廂步 □將 □ □左金吾
衛大將軍試太常卿上柱國李 □

左廂馬步 □ □特進試太常卿 □金吾衛大將軍
上柱國隴西縣開國子食邑五百戶 下缺 □馬 □

游 □將 □ □羽林軍大將軍試太常卿 下缺

右廂 □十將雲 □ □金吾衛大將軍兼試太

常卿上柱國

下缺

左廂□□□將□□□試太

常卿行左金吾衛大將軍上柱國□□□開國□食邑

□□戶何

缺

左廂馬軍十將特進試太常卿兼左金吾衛大將軍上

柱國渤海縣開國侯食邑□千戶高悻 左廂馬軍十

將光祿大夫試太常卿上柱國隴西縣開國子食邑五

百戶辛安國

左廂馬軍十將□□試太常卿上柱國李阿布俱 左

廂馬軍十將特進行左金吾衛大將軍上柱國田零□

左廂馬軍十□特進試太常□□□金吾衛大將軍上

柱國太原縣開國男王魏皎 左廂步軍十將雲麾將

軍守左金吾衛大將軍試□□卿上柱國□東縣開國男食□五百戶□□順

右廂馬軍十將開府儀同三司試太常卿兼左威衛大將軍上柱國清河縣開國男食邑五百戶上柱國張□稽□□特□□□□□□□□國李監都

左廂馬軍十將雲麾將軍守左金吾衛大將軍兼試光祿卿上柱國王武俊右廂馬軍十將雲麾將軍□□金吾□□□□□□□□上柱國張□□

都知征馬使□□□將軍守左金吾□大將軍並試鴻臚卿上柱國□□□□開國男謝靈運右廂□軍十將銀□光祿大□□□□□□卿上柱國隴西縣開國子食

邑五百户李盡忠

右廂馬軍十將□□□□□守左金吾衛大將軍兼試
太常卿上柱國□□□□□公食邑三百□□金德
開府儀同三司試殿□□□左金吾衛大將軍上柱國
□邑縣開國子李禪

右廂馬軍□將開府儀同三司試光祿卿兼左金吾衛
大將軍上柱國安忠實 左廂馬軍十□□□□□
□□金吾衛大將軍兼太常卿上柱國義□□□國□
□邑□百户段□□

左廂步軍十將鎮軍大將軍行□□□衛大將軍試太
常卿上柱國廬江縣開國男何山泉 右廂馬軍十將

驃騎大將軍行左金吾衛大將軍兼太常卿上柱國隴
西縣開國男李孤莫羅

右廂步軍十將冠軍大將軍守左金吾衛大將軍兼試
鴻臚卿清河縣開國男上柱國張卜高 右廂馬軍十
將冠軍大將軍守左金吾衛大將軍兼試鴻臚卿上柱
國隴西縣開國男李溫禮

左廂虞候摠管□□□□軍□□金吾衛大將軍兼□
□卿上柱國涇川縣開國男食邑三百戶公孫利舉

右廂虞候摠管冠軍大將軍守左金吾衛大將軍試太
常卿上柱國臨穎縣開國男食邑三百戶陳希俊

上驃騎□□軍

缺字

不計太常□上柱國隴西縣

開國□□邑二千戶李處留 衛前將驃騎大將軍同

節度經畧副使左羽林軍大將軍兼試鴻臚卿上柱國

楊國

左廂

缺字
不計

將軍守左金吾□□□□□□□□

□袋上柱國□壽金 冠軍大將軍守左金吾衛大將

軍兼試殿中監上柱國張孝忠

衛前將雲麾將軍守左金吾衛大將軍□□□□□□

□□□□上柱國康日琮 冠軍大將軍兼試光祿卿

上柱國趙□□

開府儀同三司試殿中監兼左金吾衛大將軍員外置

同正員上柱國曹敏之 特進試殿中監兼左金吾衛

大將軍上柱國史招福

右中
散

開府儀同三司使持節涿州諸軍事行涿州刺史充本
州團練守捉使同成德軍節度副使上柱國渙陽郡王
李獻誠

銀青光祿大夫試鴻臚卿使持節定州諸軍事兼定州
刺史充北平軍使本州團練守捉使同成德軍節度副
使上柱國陳留縣開國男谷從政

金紫光祿大夫試秘書監使持節冀州諸軍事兼冀州
刺史充本州團練守捉使同成德軍節度副使上柱國
臨汝郡開國公源恒

銀青光祿大夫試太常卿權知趙州刺史兼本州團
守捉使上柱國段慶瑤

特進試鴻臚卿權知易州刺史兼高陽軍使上柱國廬
江縣開國男□□□

銀青光祿大夫試殿中少監攝恒州別駕上柱國高□

□

朝散大夫試太子僕兼恒州長史上柱國賞紫金魚袋
崔儀

中大夫行恒州司馬上柱國蕭□

右下
截

右碑陰銜名分三截上截首題中官二人云監軍使

朝議郎行內給事員外置同正員賜金魚袋上柱國

王進傑又

上

守奚官局丞員□置□正員張守清守

清史無名進傑見舊書王武俊傳云興元元年二月

武俊集三軍削僞國號詔國子祭酒兼御史大夫董

晉中使王進傑自行在至恒州宣命攷唐初以御史

監軍垂拱三年十二月停御史監軍事神龍元年以

後始用中官爲之文獻通攷云開元二十年以後並

以中官爲之謂之監軍使至德間魚朝恩爲觀軍容

宣尉處置使嗣後節度皆置監軍唐六典內侍省有

內給事八人

舊書同新書作十人

從五品下內給事掌判省事

六典內侍省奚官局有丞二人正九品下奚官局令

掌奚隸工役官官品命丞爲之貳此後有題銜九行

率殘泐不完有云僕射男中大夫試太常下又一行

云□□岳又朝議大夫試鴻臚卿李惟下又上殿中

缺惟誠又上左金吾衛□□軍下又上衛兵曹參

軍事李□□又試大理評事李下攷諸人當是寶臣

子弟所云僕射卽寶臣也寶臣傳子惟岳惟誠惟簡

寶臣卒惟岳爲行軍司馬求襲父位朝旨不允乃與

田悅等同謀拒命爲部將王武俊所殺列銜首書僕

射男末露一岳字當是惟岳無疑惟傳不言其爲中

大夫試太常卿耳惟誠爲惟岳異母兄以父蔭爲殿

中丞碑上列銜尚見殿中二字惟簡寶臣第三子傳

不載其在寶臣時所歷之官惟岳後列銜李惟已疑
卽惟簡然惟簡亦惟誠弟題名反在兄前疑惟簡亦
寶臣嫡子或緣嫡庶之分惟誠故退居其後耳此外
三人名多殘泐攷寶臣傳及宰相世系表寶臣止有
三子弟寶正娶田承嗣女在魏州爲承嗣所殺史不
載其所歷官位惟誠後一人豈卽寶正銜名邪餘二
人疑是寶正之子今從石本微辨之衛兵曹參軍李
□□李下左旁從小當是惟字衛兵曹上首一字左
旁從女當是姪字碑中列銜有曰檢校曰兼曰試曰
行曰守曰兼試曰攝曰知曰員外置同正員者舊書
職官志云武德令職事解散官欠一階不至爲兼職

事卑者不解散官貞觀令以職事高者爲守職事卑者爲行仍各帶散位其欠一階依舊爲兼與當階者皆解散官永徽已來欠一階者或爲兼或帶散官或爲守參而用之其兩職事亦爲兼頗相錯亂咸亨二年始一切爲守新書志云初太宗省內外官定制爲七百三十員曰吾以此待天下賢材足矣然是時已有員外置其後又有特置同正員至於檢校兼守判知之類皆非本制案杜氏通典試官起於天授二年員外官同正員起於永徽六年通典云試者未爲正命凡正官皆稱行守員外官加同正員者其祿俸賜與正官同單言員外者則俸祿減正官之半攝者言

勅攝非州府板署之命檢校者云檢校某官判官者
云判某官事知者云知某官事皆是詔除而非正命
攷舊書咸亨間已罷兼爲守而此仍有兼及兼試者
蓋咸亨所罷者欠一階之兼而兩職事之兼則未嘗
罷也舊書原注其欠一階之兼古念反其兩職事之兼古括反黃琮曰唐五代之
制外官帶職有憲銜有檢校憲銜自監察御史至御
史大夫檢校自國子祭酒至三公胡三省通鑑注曰
唐時節鎮有帶六曹尚書有帶三省長官有帶三公
三師其屬亦帶六品以下朝職謂之帶職此碑皆節
鎮屬官其京朝官之銜卽帶職也有云食實封三百
戶者通典云自武德至天寶實封者百餘家自至德

至大國三年實封者二百六十五家有云賜紫金魚
袋賜緋魚袋者舊書輿服志自武德已來正員闕官
始佩魚袋員外判試檢校自則天中宗時始有之皆
不佩魚雖正員官得佩去任及致仕卽解去開元九
年張嘉貞爲中書令奏諸致仕許終身佩魚以爲榮
寵以理去任亦聽佩魚袋自後恩制賜賞緋紫例兼
魚袋章服因之佩魚袋服朱紫者衆矣此節鎮屬官
皆緋紫佩魚可見當時章服之濫有云逐要官者新
書職官志節度使有府院法直官要籍逐要親事各
一人有云出納糧料官者疑卽糧料使通鑑云郭子
儀請太子賓客第五琦爲糧使胡三省注曰糧料使

主給行營行食有云馬軍都使者案唐節鎮屬官有
都知兵馬使之職亦謂之都將通鑑云僕固懷恩既
不爲朝廷所用遂與河東都將李晟謀取太原
胡三省注曰都將都知兵馬使此蓋但都知馬軍其
職當亞於都將有云左廂馬軍都使右廂馬軍都使
左廂步軍都使右廂步軍都使者案左右廂猶言左
右軍唐六典諸衛及左右驍衛左右羽林軍皆有左
右廂新書兵志神策軍亦分左右廂大約內外諸軍
無不有之此蓋節度使之左右廂郭子儀爲朔方右
廂兵馬使僕固懷恩充朔方左廂兵馬使此物此志
也又有云左右廂馬軍十將左右廂步軍十將者唐

書兵志無十將之名而宋志有之案哥舒翰爲其部將論功勅以隴右十將火拔歸仁爲驍騎大將軍又僕固瑒發祁縣兵士卒行不能前十將白玉焦暉以鳴鏑射其後者又李希烈據淮西選步卒尤精者爲左右克平十將皆見通鑑胡三省注曰十將亦唐中世以來軍中將領之職五代史唐明宗紀有十將張儉舊五代史梁太祖紀有右龍虎軍十將張溫是唐五代皆有十將不始於宋矣又有云都知教練者舊書宣宗本紀大中六年勅天下軍府有兵馬處宜選會兵法能弓馬等人充教練使據此則教練使不始於宣宗時都知教練猶都知兵馬使之意又有云左

右廂都虞候者舊書李光弼傳兼安北都護府朔方
都虞候段秀實傳白孝德以秀實爲都虞候胡三省
通鑑注曰宇文泰相魏置虞候都督後世因之置虞
候之官又有云左右廂虞候總管者唐六典云凡諸
軍鎮每百人置押官一人千人置子總管一人五千
人置總管一人胡三省通鑑曰唐令制每軍總管四
人二主左右虞候二主左右押衙又有云節度押衙
者新書職官志節度使有衙推一人而無押衙胡三
省通鑑注曰唐節度使置都押衙衙前重職也卽今
制置使帳前都提舉之職又曰押衙者盡管節度使
衙內之事亦謂之衙將張孝忠傳將士稱衙將程華

爲押衙是也劉昇兩唐書附劉德威傳德威孫易從
之子能文章善草隸今所傳開元八年華嶽精享昭
應碑卽昇所書也計開元初下距永泰二年幾四十
載此當別是一人王佐之名不見史傳趙明誠金石
錄目第一千四百四十七唐義井記邵眞撰王佐口
書大曆六年三月立邵眞亦寶臣僚佐名見此碑其
卽此王佐無疑與撰文之王佑當是兄弟惜無事蹟
可攷邵眞在舊書忠義傳又見兩唐書李惟岳傳唐
文粹第七十五卷有邵眞撰義井記趙氏金石錄目
卷七第一千三百九十四唐長明燈頌邵眞撰王士
則行書并篆額永泰元年五月立蓋卽其人宮頊兩

唐書不載元和姓纂河東宮氏大厯中侍御史宮頊
或云恒州人卽此宮頊無疑畢華見舊書邵真傳新
書李惟岳傳安都滔無攷漢書霍去病傳有校尉安
都多滔當是其後高昇舊書郭子儀傳永泰元年回
紇吐蕃數寇京畿掠奉天醴泉人情危迫急召子
儀自河中至屯於涇陽而虜騎已合子儀一軍萬餘
人而雜虜圍之數重子儀使李國貞高昇拒其東云
云又李晟傳鳳翔節度使高昇雅聞其名召補列將
攷子儀部下之高昇與鳳翔節度當是一人子儀自
河中赴召事在永泰元年此碑立於永泰二年一係
河中部將一係成德文吏迴不相涉名偶同耳康曰

知兩唐書有傳云曰知靈州人少事李惟岳累擢趙州刺史云云案此碑立於永泰二年曰知已封郡王帶從三品朝職爲節度押衙史言少事惟岳當是寶臣之譌又史無封榆林郡王事但云興元元年封會稽郡王此皆史傳缺畧金石文字之有補於史書者也盧倣見兩唐書史思明及李寶臣傳思明傳云朝義死僞恒州刺史張忠志趙州刺史盧倣等皆舉其地以歸寶臣傳云寶臣暮年益多猜忌以惟岳暗悞諸將不服卽殺大將辛忠義盧倣定州刺史張容南趙州刺史張彭老許崇俊等二十餘人家口沒入宰相世系表范陽盧氏大房有趙州刺史倣爲高宗相

承慶弟承泰曾孫攷承泰子齊卿開元初仕至太子詹事封廣陽郡公世系表謂假爲趙州刺史與寶臣傳之盧假官同豈卽一人邪陸濟見新書史思明傳傳云思明遣張忠志守幽州假薛寧恒州刺史招趙州刺史陸濟使降李固烈見兩唐書張孝忠及程日華傳衛常璩卽與王武俊誅李惟岳者見兩唐書惟岳傳辛忠順無攷兩唐書李寶臣傳有大將辛忠義爲寶臣所殺忠順忠義當是兄弟無疑王武俊兩唐書有傳據新書武俊傳寶臣以恒定五州自歸其平餘賊奏兼御史中丞封維川郡王攷寶臣以寶應元年歸命二年封清河郡王武俊旣以構謀歸國功進

官封爵其事亦當在寶應二年此碑立於永泰二年
題銜中別無維川郡王字則其事決非永泰以前事
可知傳蓋誤敘於奏兼御史中丞下耳李盡忠與武
后時契丹叛會名姓偶同張孝忠兩唐書有傳傳稱
累加左金吾衛將軍同正試殿中監與碑同惟碑作
大將軍傳無大字當以碑爲正康日琮無攷常是日
知兄弟李獻誠見張孝忠傳成德大將後爲寶臣所
殺谷從政附新書儒學谷那律傳崔儀新書宰相世
系表崔氏南祖房武后相神基弟神慶孫儀兼御之
中丞疑卽一人此外皆無攷

李君夫人賈氏墓志銘

石高一尺二寸七分廣一尺五寸二十二行行字不
等正書建中二年三月二十三日造今在元氏縣署
中

大唐故宣州宣城縣尉李府君夫人賈氏墓誌銘并序
夫人諱嬪字淋容長樂人也其先晉唐叔之後因別封
而族焉遠祖誼以文傳長沙桓王漢帝膝之前席泊王
莽末裒祖復以創命功遂圖雲閣旌美之口奉仁義洋
文質守忠信者良亦多矣祖王父藝易州遂城縣令王
父園操洺州洺水縣令烈考彥璿朝請大夫閬州刺史
皆種德前列溫々其恭澤流子孫世濟於美夫人妙閑
閨壺明練威儀婉婉潛會於徽容工巧寘資於柔德有
行之嚴儀鳳于飛聞既見之詩而誓心永畢公隴西人

也舉賢良授宣城尉其餘官皆列於別傳故不書遂能
宮徵調和埴箒韻睦奉蘋藻而脩盟饋朝舅姑而事組
紉嚙々喈々聞唱必和豈圖閔天不吊殲我良人夫人
感恭姜之遂孤痛顏子之不幸至哀而哭不在夜居寔
而動必合礼遂□其節潔其名守其嫠矣以後父之弟
任於茲邑曰臻焉又能恤孤弱以慈睦天倫以孝優遊
自得喜怒不形誰謂六極娥鐘遐齡不享以建中二年
二月十二日寢疾奄終於趙州元氏縣之官舍族衍
哀舉門共痛春秋七十有六無子有張氏女一人泣血
毀容殆將滅性以其年三月廿三日窆於七義原權礼
也合防之志今則未從同穴之言他年□復從子文則

哀迫懇到寄詞于石銘曰

於昭祖宗 誕膺明哲 愛洎夫人 克勤禮節 人
欽嘉行 族滿休聲 心存大順 志潔孤貞 嘉行
伊何 合於內則 休聲伊何 軌儀不愆 物終歎
滅 道有湮淪 哀々孝子 盡我生人 一局泉壤
萬歲千春

後一千三百年爲劉黃頭所發

右墓志銘從子文則撰其名不見兩唐書銘後有十
二字云後一千三百年爲劉黃頭所發道光三年有
縣人如其姓名者耕田得之志敘夫人長樂人攷唐
書地理志隴右道臨州有長樂縣本安樂天寶後置

乾元後更名此疑非是蓋賈氏之郡望也元和姓纂
賈氏有長樂宛句洛陽河東廣平樂陵濮陽七望長
樂漢長沙王太傅賈誼之後十代孫龔居武威孫翊
魏太尉生機長樂令隸相州此賈氏爲長樂望族之
緣起也夫人之曾祖及祖名無攷父名亦不見兩唐
書而元和姓纂濮陽賈氏有工部員外郎賈彥璿姓
名相合惟歷官及縣望不同未知是一人否志稱曾
祖爲祖王父亦他碑所罕見又敘李君隴西人舉賢
良授宣州宣城縣尉而不書李君之名新書宰相世
系表隴西李氏無爲宣州尉者其名蓋無可攷云

畢遊江墓志銘

石高一尺五寸六分廣一尺五寸三分二十一行
二十二字行書貞元十九年七月一日立今在正定
府城內
崇因寺

唐故畢府君墓誌銘并序

公諱造江平陽王彥之後也世居太原豪族第一英材
偶儻智謀深遠謹約節儉廉慎有規於家以孝有曾閔
之心事君以忠曉彼橫之略寬而能猛猛而能寬接用
友盡盛德之儀理室家剛柔得中有仁人焉有社稷焉
賢妻在室遙鑒於山濤令子理家更崇於幹蠱 公周
之宗盟也繼世在茲王侯之種遊宦不遂蓬轉於茲降
志辱身隱於城市苟得甘脆以奉 慈親日居月諸
世餘載公之 太夫人以貞元十三年七月六日

傾背公 禮制不虧大事終竟奉 親也生事之以禮
死葬之以禮祭之以禮可謂孝道全矣 公有子二人
長曰忠義次曰元清並有令聞皆 公之有典有則也
將以積善之人保受其福豈為降季未永罹此禍殃以
貞元十九季六月十四日壽終於恒府敬愛坊之私第
也時年將耳順深可哀哉里巷不歌鄉隣歎息則其年
七月一日歸葬於府城西北七里冰河鄉之原也傾城
出祖縞素盈途□葬者執拂而行赴吊者隨柩而哭白
馬前引願步而悲鳴啼鳥以臨向風而慘惻恐陵谷屢
遷紀茲貞石用昭不朽聊述德音詞曰

樂只君子邦家之光日來月往身歿名彰松風切切野

蕩蒼蒼昔作人中之寶今歸泉下之鄉

大唐貞元十九年七月一日

右墓志銘無撰書人姓名道光九年八月九日石出於正定府城西十里斜角頭白雲寺府志所謂斜角頭寺是也住持趙正方得之立於本寺余守常山始舉致郡縣今與隋唐諸碑並存崇因寺中志云公諱遊江平陽王彥之後也世居太原豪族第一案遊江及平陽王彥皆無可攷元和姓纂太原畢氏狀稱畢誕之後唐滁州刺史畢誠生摻摻生正表正則正義正表生重華蘇州刺史生彥雄正義大理正當卽遊江之族又李惟岳長史畢華後事王武俊歷顯官未

知是其親屬否又志云有仁人焉有社稷焉仁人卽
人民古本論語此句作有人民焉不作有民人焉梁
書元帝紀大寶二年詔書所引可證蓋唐諱民民字
皆改爲人而又嫌複舉人字故以仁代人可訂宋以
後論語本之誤又云遊宦不遂蓬轉於茲降志辱身
隱於城市則畢君乃一市井之徒耳可見唐人無墓
不志又志稱恒州爲恒府州城爲府城攷恒州係大
都督府唐人於諸州凡置都督府者多稱某府唐碑
中恒見之冰河鄉方志不載元和郡縣志載恒州開
元時有鄉八十七元和有鄉七十□其名皆佚此其
一也

石神福墓志銘

石高一尺三寸五分廣一尺三寸八分十八行行二十二字不等正書元和八年正月十七日立今在

大唐故成德軍節度下左金吾衛大將軍試殿中監府君墓誌銘并序

府君諱神福字忠良金谷郡人也曾祖試鴻臚少卿
用祖授左司府中郎將臣恩父何羅燭試雲麾將軍
州衙前大惣管有子四人公則第二子也生於雄武長
在蔚州□歲從師弱冠好武事親惟孝訓弟稚和五郡
欽仁六親談美遇安史作亂漂泊至恒陽尊父卑亡哀
萌葬畢及乎攻武便得穿楊君主亦知收於戎伍頻至

戰伐累劾壇場剪殺前衛無數叙功見錄八座親
命俯臨悅暢君心遷授大將為征馬事重委在腹心
令勾當右廂草馬使事何天不祐忽染沉瘵針藥無効
去元和八年正月十七日奄然大謝於野牧時春秋五
十有五男乃泣血女孝絕漿晞天叩地親戚悲悼去二
月乙酉朔十八日缺至石邑縣東北一十里□塹而厝也
恐行錄石紀芳用傳不朽其詞曰

英雄將軍 武藝超羣 頻經鬪敵 煞戮前奔 收
功見錄 獨按崇勲 紀名貞石 不朽千春

右墓志銘無書撰人姓名志敘君金谷郡人兩唐書
地理志元和郡縣志皆無金谷郡他地理書亦不見

疑當時秉筆者不學誤以梓澤園名爲郡望耳神福
暨其祖父名史皆不載父名何羅燭當是蕃將歸降
以石爲姓者唐書職官志十六衛除左右衛置勳親
翊五府外餘衛各置翊府左右中郎將每府一人又
左右羽林軍亦置左右翊衛中郎將府中郎將各一
人碑題左翊府中郎將而不冠以某軍衛列衛之疏
畧如此舊書地理志朔方節度使管內有橫野軍在
蔚州東北一百四十里管兵三千人通典七馬千八
百匹唐六典諸軍鎮每五百人置押官一人一千人
置子總管一人五千人置總管一人又總管取折衝
已上官充此題蔚州衙前大總管攷蔚州無都督府

刺史屬官又無總管之名蓋卽橫野軍之總管耳雄
武軍新書地理志在蘄州故廣漢川勾當左右廂草
馬使唐節鎮多置此官而史無明文蓋唐自至德後
節鎮多自署將吏其擅置之官吏志有不能賅載者
野牧卽牧馬之所當在恒州城外志中別體字最多
如衛作衛弱作弱安史作安史尊作尊早作早戎作
戎經作經累作累疆作疆勇作勇衝作衝命作命遷
作遷號作號朔作朔之類不勝枚舉

趙全泰妻武氏墓記

石高一尺一寸 分廣一尺一寸十四行行十八字
正書寶曆元年十月十六日造今在

唐承務郎前試左武衛兵曹參軍攝易州滿城縣令趙

全泰妻沛郡武氏墓誌

夫人姓武常山真定人也其先宗武公後遷沛郡流芳
散葬得地皆榮 祖顏皇趙州司馬 父諫皇興

州司倉參軍簪冕承家琳瑯繼世 夫人卽司倉之幼
女也恭守先訓為婦柔和內撫遺孤外睦親眷其於孝
行難以具陳以寶曆元年七月廿一日卒於定州深澤
縣之官舍享年卅有六嗚呼哀哉有兒女五人非難相
次哀歎一絕悲感四隣卽以其年十月十六日遷窆於
定州西南卅五里新樂縣仁義鄉之原附於 先塋禮
也全泰官移北州纔餘一月旋聞疾困醫禱無徵願命
之時後事無託闔河阻遠奔赴不及痛一朝而永隔重

泉感平生而撫棺慟哭慮陵谷變遷刻石紀其年代也
石墓記其夫全泰所撰全泰之名不見史傳夫人之
祖父亦無攷通志氏族畧武氏子姓宋武公之後漢
功臣梁鄒侯武彪傳封六代後居沛國與此碑所云
先宋武公後遷沛郡正合新樂縣仁義鄉府縣志不
載元和郡縣志定州開元時有鄉一百三十元和有
鄉一百十四其名皆佚仁義鄉其一也

劉某妻郭氏墓志銘

石高一尺二寸三分廣一尺二寸四分十七行行二
十二字不等行書太中六年閏七月九日立今在十
齋經

大唐魏博節度別奏劉公故太原郭氏夫人墓誌銘并序

夫人太原盛族遠祖因官遷居於大名今為魏郡人也
三代祖並韓門上將名冠古今勲業俱高不可具載父
君佐使宅親事兵馬使押衙以弓裘飾身文武不墜
守忠事上信義居懷可謂丈夫矣夫人卽押衙之長女
也以初笄而歸於劉公在家而今泚有聞出嫁而四德
克脩吁上天難問循矩不容不幸以太中六年五月十
二日終於府元城縣慕化坊之私宅也享年廿五矣嗚
呼父母腸斷良人痛心生死路殊龜筮叶吉以其年閏
七月九日遷柩於府西南五里貴鄉縣王趙村祔先塋
禮也慮丘壟之更變故刊貞石為銘其詞曰

婉婉柔儀

言客和茂

婦德可觀

進退可度

上

天不均 掩同薤露 大魏西南 良玉瘞主 万古

千秋 永扃幽戶

右墓志銘無書撰人姓名孫氏寰宇訪碑錄已見著錄而不詳其所在予觀察大名時訪得之攜置十經齋中夫人爲魏博節度別奏劉公之配案唐六典凡諸軍鎮大使副使已上皆有僚人別奏以爲之使大使三品已上別奏十人副使三品已上別奏八人總管已上別奏六人子總管四品已上別奏三人若計擊防禦遊奕使副使別奏各減二人總管及子總管別奏各減一人云劉君爲節度使之別奏與夫人之父君佐押衙親事之職皆爲節鎮屬僚其秩甚爲卑

微宜不見於史乘志稱魏州爲大名兩唐書田悅傳
悅與朱滔等議如七國故事悅國號魏僭稱魏王以
魏州爲大名府魏州稱大名始此唐貴鄉舊縣今在
元城境內貴鄉王趙村元城慕化坊方志皆不載碑
中字如龜作龜筆作筌婉作婉瘞作瘞皆別體也

趙全秦墓志銘

石高 尺 寸 分廣 尺 寸 十八行行十六
字行書太和五年正月廿七日立今在

唐故承務郎試左武衛兵曹參軍攝無極縣令天水趙

公輩誌銘 并序

公諱全秦字全泰常山郡真定人也考諱融易定節度
參謀口度營田副使朝請大夫檢校尚書兵部郎中兼

御史中丞賜紫金魚袋上柱國公至學之歲曾讀詩書
冠帶之年留好文藝起家掘定州無極縣主簿再為府
掾五宰屬城事有始吉而終凶政有前中而後否衣舟
疎網限至難逃歿世之年五十有四時則大和四年十
二月廿九日 夫人隴西李氏宗正卿亳州刺史瀚
之孫都水監承穎王府參軍陝州夏縣丞邁之女晝哭
毀聞行子二人長曰存序幼曰存戎有女二人在室權
墓過礼以太和五年正月廿七日遷窆於州城西北七
里翟村平原礼也貞而可久刻石銘之銘曰奔騰轉側
半西沉 顧影知為長逝心 悲風槭槭吹原野 荆
棘籠墳荒草深

右墓志銘無撰書人姓名趙君全泰卽前爲妻武氏
撰墓記者志言公至學之歲曾讀詩書至學蓋卽志
學謂年十五古至志通用論語秦伯篇不至於穀釋
文引鄭注訓穀爲祿漢孔彪碑龍德而學不至於穀
皆謂無祿仕之志夫人李氏當是君繼室李瀚見新
書李齊運傳齊運爲長安令政頗脩辦宗正少卿李
瀚從子有所訟齊運於瀚爲卑行而不禮訟者瀚怒
辱諸朝齊運以聞代宗貶瀚蓋卽其人惟志作宗正
卿史作少卿爲稍異耳李邁無攷

尊勝陀羅尼真言幢

幢高二尺四寸四面四棱每面廣四寸棱廣三寸凡
三行行字不等正書咸通十五年三月十三日建今

在正定府
崇因寺中

尊勝陀羅尼真言 不空三藏奉 詔譯

經文不錄

咸通十五年三月十三日建

孫氏為亡過女趙氏十一娘 女聶牛文虔敬造陀羅

尼石幢一可 男重政

封崇寺陀羅尼經幢

幢高四尺七寸五分八面每面廣七寸第一面上截
題大唐行唐縣奉為國太夫人相公文武官寮敬造
佛頂尊勝陀羅尼幢二十七字下題名兩列每列九
行第二面石幢讚九行餘六面刻經文每面九行行
字不等並正書光啓二年
四月八日造今在行唐縣

驢使官李國口 將仕郎試太常寺協律郎攝行唐縣

尉李匡美 節度押衙守平山縣令前攝令兼防禦兵

馬使史守行 攝令兼防禦兵馬使楊存密 知鎮虞

候李文政 經略副使鎮遏都將五公義 節度押衙

前鎮遏使兼監察御史趙群經略副使兼馬步廣候達

奚再榮 馬軍將趙惟信步射將劉常類步軍將馬立

建散將知將事徐公賢却文澄 李慶亮 劉常豐

陳方簡 胡金佐鎮判官秘公汝 押衙劉憲義 段

神宗以上
上列

押司錄事名志端 市令安公瑾倉督張文瑾 差科

五井諒 差科五公順 衙佐齊公詳 錄事史口貞

啓 錄事史劉環口 戶佐楊口憲 司法李行賓

司功五神祐 司功張國緒 司倉封國建 司戶劉

簡傳 司兵五惟 司兵李公 衛司張德 傳貞操

劉國緒 劉從 司戶鄭行立 賈行爽 行簡楊貞

訓五忠 孫公爽 杜文端 孟國約 劉公 善政坊張

國 賈國約 張國儼 劉楚 張國實

劉國亮 郎像 張方保 劉加珍 馬君晟 劉國登 張

公太 李再環 郭舟 翟太順 張計文 劉 延

壽坊賈 憲國憲 清五 陳 金五公

陸賢 五貞簡 馬顏國 李君則 軍頭蘇國裔 張

自政 司戶劉訓 皇行珪 胡忠孝 行德李公 審李

公 宋國 劉公約 劉士幹 鎮 顏國章 任公

不任公爽 張國業 張方簡 馮行立 馮行積

張□瑾 郭慶□以上
下列

隨羅石幢譜 并序 鄉貢進士史歸舜撰

佛興而土俾萬有以歸真像教東流與羣迷而正覺爰
從達者言是得除疑慕善求安應聲聞嚮當縣近因兵
革實有侵凌犬戎恣暴□之心人□致流離之苦惟茲
郭邑脩以堅牢既大振雄謀實內依 佛力有清信士
張國建等並理探空界性入閑閑每動撫機事皆國蓋
是以人稱領袖衆乃依歸俱在艱時同□□聖□□□
勢迴戈甲氣弥妖氛□□墮於狼星朝拜聞於魚梵今
則邑居不動庶類無傷由是志誠皆蒙福履沉思至理

何路致酬無非樹善言徵久遠誘人歸正斯所謂顯靈
驗於一時□□□於後世也是邑人等各出淨財遠求
良匠造玉石幢一所上剎佛頂尊勝陀羅尼立於康衢
之內是上報慈悲而旁近慶祚彫鏤既畢合吉公
門時縣尹 因農公軒蓋始臨□□□□於金人
妙道無不□通樂聞其請尋而允之此亦建善之有因
衆功之合就也遂於四月八日會同緣而立之時光啓
二年丙午歲也歸舜獲逢勝事敢不讚揚遂錄其實耳
佛有聖力人莫能知 一句一偈 大慈大悲 无
量功德 不可思議 言以災難 尋聲救之 是邑
之人 忽離兇孽 念彼奔衝 憂其殊絕 金鼓屢

振 鵝鵲頻役 不告諸仙 何由見雪 非無應地

□有降臨 材庸潛遁 氛埃自沉 靡言在命

實由信心 既免災難 道情轉深 但念有情 無

不露福 何以報之 莫施瓊玉 電蹤聖跡 唯紀

與錄 傳於後時 言之不足 立其貞石 判以真

言 □揚妙道 救護無邊 正覺正果 三千大千

報仙之所 長為福田 仁賢坊

三字與第一面題名下列相並

佛頂尊勝陀羅尼經

經文不錄

右經幢凡八面第一面上截題額云云攷行唐為成
德節度使管下是時帥成德者為常山王王鎔鎔進

位侍中中書令皆在光啓後而此幢已稱相公可證
史書之誤所云國太夫人卽懿母何氏也自後魏以
來迄於唐之中葉凡造佛象石浮圖經幢之類其記
多有視國之語如上帝主化隆上爲國王帝主上
帝法界羣生上願皇帝下上爲皇帝臣寮士爲皇
帝陛下爲某皇帝之類而此幢獨云奉爲國太夫人
相公文武官寮唐季方鎮臣庶知有節度而不知有
朝廷於斯可見下截銜名有云驅使官者攷唐制節
度使有衙前驅使官胡三省曰節鎮州府皆有衙官
衙官給牙前驅使又有云鎮遏都將者蓋卽鎮遏使
六典兩唐志均不載其名而紀傳中屢見之唐會要
元和十四年二月詔諸道節度使團練都防禦經畧

等所管支郡除本軍州外別置鎮遏守捉兵馬者并
合屬刺史等如刺史帶本州團練防禦鎮遏等使其
兵馬額便隸此使如無別使卽如軍事云云又有云
馬軍將步射將步軍將散將知將事者此當是防禦
使下偏裨唐刻中此類甚多如同正史志亦不詳其
制又有云軍頭者軍頭之名不見唐書五代史有之
宋史職官志有御前忠佐軍頭引見司端拱元年改
軍頭司爲御前忠佐軍頭司引見司爲御前忠佐引
見司軍頭司掌崇班供奉及諸州駐泊捕捉之事引
見司掌軍頭名籍諸軍搜閱引見之事今此幢有軍
頭之名知宋代軍頭司之置其名昉於唐中葉以後

矣又有云衙司者疑卽衙官衙推之類衙佐卽其佐
歟又有云押司者唐制凡軍鎮五百人有押官疑卽
此又爲押司錄事者爲名志端廣韻名姓左傳楚大
夫彭名之後幢上別體字甚多如劉作劉安作安鄉
作鄉歸作歸爰作爰關作關刻作刻延作延鏤作鏤
孽作孽遁作遁靈作靈之類不可勝數據機卽樞機
唐碑從木者多作才猶沿北朝之習

佛象讚殘刻

石高一尺五寸廣五寸九分六行行十九字
行書光啓四年正月八日立今在正定縣

□□ 旣往福壽常增乃勅貞民紀其讚曰

真如無相 有感卽通 所習情異 其歸性同 立

像雖廣 亦法亢空 洗滌煩惱 徹去昏蒙 心不
染著 身成淨土 真非有為 法亦無住 □顏至
精 佛威潛護 功德莊嚴 福齡永固

大唐光啓四年歲次戊申正月八日丙午興建

右佛象讚殘刻其製似幢案唐光啓無四年舊書倍
宗本紀文德元年二月戊申上御承天門大赦改元
文德讚刻於是年正月故猶稱光啓四年耳又是年
正月己亥朔此云八日丙午正與史合

李公夫人殘墓志

石高二尺廣一尺九寸五分二十二行每行僅存上
截十餘字正書號年勅今在正定府城內崇因寺

唐皇五從高升祖易之等州

下上柱國李公故夫人遼

東榮下

夫人諱尚卿其先遼東人下□□后妃之賢者故慎氏

缺□□名振於義武軍三代下缺□□柔和立性婉順深有

靜下缺□□尚容德也自作嬪君下缺□□玉潔秀而

芳陰多下缺□□親禮樂之風訓習下缺□□之祿華如

桃李下缺□□近無出其二美焉下缺□□而虧隨彼

蒼下缺□□亟九日終於定州博陵下缺□□習禮次日師

周承天下缺□□聞詩禮積習義下缺□□不自勝歎鳴

鳳而下缺□□併請俸錢以喪事至下缺□□夫婦之道

聿循承下缺□□安喜縣鮮虞鄉暉下缺□□以□受命

刊誌貞石用下缺□□美淋德夫人令名惟桃之華下缺□□

□之原考幾幾孤墳考

下缺

右墓志殘石每行僅存上截十餘字李公夫婦名姓及立石歲月皆泐石向在定州南十五里舖予訪得之輦致常山志首行題唐皇五從高叔祖易定等州下泐第二行上柱國李公故夫人遼東下泐攷新唐書宗室世系表及宰相世系表隴西李氏無官易定者李公究不知何名列銜稱易定等州其官大約不離易定節度將佐爾案志中有名振於義武軍三代下泐此當是敘夫人先世門閥蓋亦世事易定節帥者唐書地理志河北定州博陵郡有義武軍建中四年置德宗本紀建中三年二月戊午惟岳將定州刺

史楊政義以州降以張孝忠檢校兵部尚書易定滄
三州節度使五月辛亥易定節度賜名義武軍孝忠
傳孝忠既降政義朝廷乃於定州置義武軍以孝忠
兵部尚書義武軍節度易定滄等州觀察等使志云
夫人諱尚卿其先遼東人又云九日終於定州博陵
陵下當是郡字又有習禮次曰師周習禮當卽夫人
長子師周其次子也名皆不見兩唐書師周下有承
天兩字疑卽師周列銜或係承天軍將吏方輿紀要
承天鎮在井陘縣西北六十里卽故承天塞至故關
二十里南接平定州之葦澤關一名娘子關乾元初
置承天軍於此元和郡縣圖志兩唐書地理志並佚

其名置軍築城事詳載大圖元年道士胡伯成所撰
承天軍城記唐時爲河東節度所管志有安喜縣鮮
虞鄉當是夫人墓所安喜唐定州治鮮虞鄉定州一
百三十鄉之一也今州志亦失載

比邱尼等造石浮圖殘記

石高尺寸廣尺寸十一行
行字不等正書無年月今在元氏縣

□□□惟微非可以卿□□□□妙乃□□□□
□□能以筏以成而□□□□善逝世界惟覺正覺調
御丈夫知□目知□無□□□上士非相合相有□□
□名來不來以諦真諦靜默而自然□化希夷而□□
□□□難見聞况□□无□□常□諸有普弟子比正

居一□□人等厭鄙塵而入覺道在處無爲離苦空而
□家志登彼岸尚姑趙英信尚張四依尚杜大尚趙七
尚趙法果尚趙妙果尚李貴尚劉真□尚素□□□趙
滕光尚趙件娘尚等稟氣中和結蘭馥而修行厥生清
淨榮明王以□降神混色而共途□□識而合□清虛
靖泰約 守真修性以保神安心以全已至□微妙可
知理知體要□□忘歡而後樂以恬泊獨著曠然無憂
於道雖持孝心□父天母地生我劬勞欲報之恩昊天
罔極發無 之願崇有果之日成就法□□苦□上為
文武聖 皇帝下□師僧父母衆共虔心敬造石

浮圖一所訪□□□□九泉□□□□□□□□

□□□□□□□□□□虛心□□□

右記字多殘泐年代無攷以字體定爲唐刻記中人名第一人爲尚姑趙英信餘皆稱尚某後又有尚等云云與晉州脩寺鑄鐘碑題名稱遍照尚相類蓋皆比邱尼也碑中別體字如稟作稟劬作劬願作顙之類唐碑中多有之

涿州刺史墓志蓋殘石

石高二尺廣二尺僅存前後兩行每字又各殘其半行五字篆書無號年今在正定府城內府治西北舍利寺後金牛禪師塔前有明人碑其下碑趺卽是此石

新定縣志

卷之二十一

右墓志蓋殘石無年號明人刻其中爲碑趺故僅存
前後兩行曰唐深州刺史氏合柩墓志凡十字每字
又各殘其半刺史夫婦姓氏皆不可攷唐書王廷湊
傳廷湊子紹鼎紹鼎長子景圀初爲成德軍中軍兵
馬使銀青光祿大夫檢校太子賓客監察御史紹鼎
卒出爲深州刺史兼殿中侍御史充本州團練守捉
使案王氏帥成德世葬真定此深州刺史豈卽景圀
邪惜不得墓志證之

八佛象石幢

幢高一尺八寸四面四棱每面廣三寸七分棱廣三
寸第四五六三面無字每面行數及字大小不等正
書無年號今在正定府城內崇因寺

□□□常山王 及文武官寮三 軍將仕等創 建

尊勝石幢 以上第一面

都□當□尊勝石幢 院主僧歸政僧行寬僧從閑僧

文智 僧□□僧貞進僧惠臻僧雲□僧寄盜 僧□

□僧利增僧宗寶僧德璘僧悟誠 僧行□僧行□僧

法□沙門□□□寶 以上第二面

□□□父□友母劉氏弟□□ 以上第三面

奉為當今 皇帝府主相公文武 官寮三軍百姓重

修 尊勝□□ 以上第七面

□□□□□□□□果 左相僧道都剎沙門行

愿 以上第八面

右幢無號年以幢制及書體定之當是唐刻唐書王庭湊傳景崇與子銘皆封常山郡王此幢之常山王其爲景崇爲銘不可知矣相卽廂字對卽綱字行愿蓋爲左廂僧道都綱也

尊勝陀羅尼經殘石

石高二尺三寸廣一尺三寸十七行行二十八字正書號年缺今在元氏縣開化寺羅漢殿後經文不錄

右殘石無年月與下一幢皆以書體定爲唐刻

臨濟寺尊勝陀羅尼經幢

幢高二尺八寸一三五七面各廣六寸五分每面八行二四六八面各廣五寸每面六行行二十五字正書無年月今在正定府治東南臨濟寺

佛頂尊勝陀羅尼經

經文及序不錄

常山貞石志卷十

常山貞石志卷十一

詰授朝議大夫直隸正定府知府今調廣平府知府前署大順廣兵備道沈濟謨

後梁

尊勝陀羅尼真言幢

幢高一尺一寸八分每面廣一寸八分三行行字不
等正書開平二年七月十五日造今在正定府城崇
因寺

佛頂尊勝陀羅尼真言

經文不錄

維開平二年七月十五日

院主比丘尼

靈智

右幢建於開平二年是時朱溫加王鎔爲尚書令兩

國方睦故鎔境內稱開平年號至四年冬復奉唐朝
正朔稱天祐七年由是梁遂失鎮定而晉益強矣

王鎔墓志銘

石高三尺五寸廣三尺六寸四分四十四行行字不
等正書天祐十九年十二月立今在正定府崇因寺

上同三司守太師兼中書令鎮州大都督府長史上口

口口一上第一行第
二行上泐下空

上大夫口口禮部尚書兼御史大夫賜紫金魚袋盧質

撰以上第
三行

上口口口校尚書口部郎中兼御史中丞賜紫金

魚袋任口書并篆口以上第四行第
五行上泐下空

上二口口居無何賊起黃巢兵經上六行以
泐上口涉險

九州版圖唯茲全趙□□安邦一百五十年間中外下

以上七行有□有恒不僭不濫相承四世光輔十朝

下八行以上有□及其封世□□□□於□□邦

得同其□雖為常數良九行上上□□□□山發源始

於□□至于□代乃有太原瑯琊分彼二流十一行

行上並下磨上之□也□忠力於邦家□捍蔽於□

下十三行以上上上□□□□等州觀察處置等使金紫光

祿大夫檢校太傅同中書門四行上上封二百戶

贈太師謚曰忠在十五行上上□□□□山□□□

□□爵為盛□□銀青光祿大夫檢校尚書左六行上上

上上□□□□一寸□累贈司空司徒太尉太傅在下空

十五上
行二

[illegible]

二以
十上

☐ ☐ ☐ ☐ ☐ ☐ ☐ ☐ 賜敦 ☐ ☐ 芝久大功臣

十以
七上
行二

☐ ☐ ☐ ☐ ☐

無何事首防蘭衆迷逐末納

十以
八上
行二

由

行以
三上
十二
行十
上九

防上

夫人隴西李氏

以上三行

油上

□ □ □ □

空下

勅上

守侍中次曰昭

勑上
口
口
口

上 渤

懷○大○何止於救患卹鄰五

☐ ☐ ☐ 前 ☐ ☐ ☐ ☐ ☐ 符習
 上三下空以十

天祐十八年秋八月大

公□□
三十空七以行上
渤上
□□□□□
伐□□□□
而終賊

男處瑾處口又日口口口口然其兄十九年平以上三十八行

上以幽冤蓋明義舉今以青烏

上
十二月廿□日□□□
約空

趙國夫人合葬於真定縣新市鄉庶頗里壽陽商

以上四十行四十
一行上泐下空

紡上

梟獍興祆

恩義

全族盡亡

十以
二上
行四

勸上
□
□

10

□ 師一興

飛走無處

逆首就擒

属封尋

撫鮮血

申冤

十以
三上
行四

上 勅

☐ ☐ ☐ ☐

四下
十空
四以
行上

右志銘廬質撰任

書上截浸滅殆盡下截亦殘泐

石向在正定府城北五里鋪旁李家莊村外土人壘爲神案道光丁酉余訪得之遂致諸郡解今存城內崇因寺碑爲宋以來金石家所未見著錄自余始盧質兩五代史有傳薛史質傳莊宗十六年轉節度判官檢校禮部尚書此碑列銜禮部尚書上當是檢校

二字又任君其名殘泐或疑爲任圜攷立碑時任圜
拜工部尚書兼眞定尹北京副留守知留守事而此
碑列銜爲□當是檢字校□部郎中兼御史中丞其非圜

可知或是圜之子弟今無可攷碑第一行存同三司
守太師中書令鎮州大都督府長史上十八字同上
當是儀字上下當是柱國二字攷銘加中書令在昭
宗光化元年及朱全忠篡唐又加尚書令舊唐書銘
傳僞梁加尚書令及唐室中興去僞尚書令之號此
志稱中書令而不稱尚書令正與史合又志云相承
四世光輔十朝攷王庭湊以穆宗長慶二年正拜成
德軍節度使至銘實有五世此蓋謂銘承庭湊至景

崇四世之業耳又穆宗至哀帝僅閱九朝志云十朝者乃拜後唐莊宗數之也又志有太原瑯琊分彼二流之語攷庭湊本回鶻阿布思之種族世隸安東都護府非中原舊族志蓋欲攀附華胄以爲榮爾志云勅等州觀察處置等使金紫光祿大夫檢校太傅同中書門下勅又勅封二百戶贈太師謚曰忠者銘會祖元遠也等州上當是成德軍節度使鎮冀深趙九字同中書門字下當是下平章事四字二百戶上當有太原郡開國公食邑二千戶食實封十四字敘銜大略與史合惟史無金紫光祿大夫其曰銀青光祿大夫檢校尚書左勅又勅累贈司空司徒太尉太傅

者鎔祖紹鼎也志中列銜可辨者大略與史同惟銀
青光祿大夫傳作光祿大夫蓋誤脫銀青二字宣宗
本紀正與志同左僕射本紀作右僕射誤志又有曰
忠穆者乃鎔父景崇之謚其列銜全勑僖宗本紀中
和二年十二月王景崇卒贈太傅謚忠穆遺表請以
子鎔鑽繼戎事遂以鎔爲留後志云□□四年□授
鎮州兵馬留後來年起復眞拜繼世焉四年上當是
中和二字攷舊書宣宗本紀王景崇傳新書方鎮表
兩五代史王鎔傳皆云景崇卒於中和二年新書紀
傳作三年皆與此不合志刻於王鎔死後之一年不
當有誤豈史之失實耶唐書鎔傳鎔十歲三軍推爲

留後朝廷因授旄鉞檢校工部尚書志有封太原郡

開國子食邑五百戶史傳無之又志云中和五年加

開府鎔傳有之而不詳其年月志云

上檢校太保封

常山郡王文德元年又昇太傅又有

上封

口百戶文

苑英華有授王鎔常山郡王羅國信長沙郡王劉仁

恭彭城郡王制史皆不載其冊封年月國信仁恭傳

亦然攷兩唐書僖宗本紀國信爲魏博留後在文德

元年二月其殺魏博帥樂彥禎在是年四月文德元

年卽光啟四年本紀文德元年二月戊子上御承天

門大赦改元文德據此則國信正拜節度封長沙郡

王已在改元文德之後王鎔與之同制卽係同時冊

封志文敘其事於文德元年昇太傅前未知何故又

志敘□順元年就加檢校太師未幾授澤潞邢下攷

順上當是大字大順爲昭宗第二紀元加檢校太師

史亦不載其年昭宗本紀大順元年五月以成德軍

節度使王鎔爲太原東面招討使

新書在六月辛未方鎮表作龍紀元

年志云授澤潞邢者當是澤潞招討使三州在太原

之東故曰太原東面招討使也志又云

上五年□□

□書今進封北平王增邑共六千戶實封

下攷方鎮

表光化元年王鎔加中書令五年上當是乾闥二字

進位中書令在八月改元以前故猶稱乾闥五年又

方鎮表乾闥三年鎔加侍中唐書五代史皆不載志

文五年上率漫滅不能辨其加侍中當敘於此進封
北平郡王史失載蓋亦乾國五年事也志又有勅賜
敦□□定九大功臣來年又冊拜太師增爵一万
攷舊五代史銘於昭宗朝賜號敦睦保定久大功臣
位至成德軍節度使守太師中書令趙王梁祖加尚
書令唐書作敦睦保定大功臣無久字與志文及薛
史異當從碑爲正志云夫人隴西李氏父李全義皇
任檢校工部尚書勅又勅上不越旬日被害全義兩史
無名志又有勅守侍中次曰昭□□□□□□□□
部落都知兵馬使檢校太保皆勅攷薛史銘傳長子
昭祚亂之翌日張文禮索之斬於軍門志云守侍中

當是昭祚之官史失載其曰次昭□者疑卽銘次子

昭誨惟五代史作檢校太傅而碑作太保蓋史文之

訛又志云

上勅

前□□□□□符習

下勅

符習兩五代

史有傳志云□□而終疑卽文禮傳所云文禮病腹

疽及聞史建瑄攻下趙州驚悸而卒事其云賊男處

瑾處□□□又曰□□□□然其兄攷文禮有三子

處瑾處球處琪城破獲之爲鎮人所醢無兄弟相殺

事此云然其兄殊不可解天祐十九年卽後梁龍德

二年唐莊宗仍用天祐年號見五代史志云十二月

廿□日□□□趙國夫人合葬於眞定縣新市鄉廉

頗里壽陽崗祔於

下勅

攷新市鄉府縣志不載元和鄉

縣志恒州開元有鄉八十七元和有鄉七十口此其一也正定縣志縣北十里牧莊有三塚每塚相去百步許相傳趙廉頗李牧藺相如葬此史記廉頗卒於壽春清和趙州靈壽皆有頗塚後魏書藺相如塚在新樂不聞真定有塚牧莊在北牛社與北十里鋪相近其地疑卽唐之廉頗里三塚或卽王鎔之祖塋薛史鎔傳所謂葬於王氏故塋者疑卽在此後人因里名廉頗王鎔王趙遂合而名之謬爲趙廉頗諸人之塚云

後周

判官堂塑象記幢

幢高一尺五寸五分八面每面廣三寸五分四行行
字不等正書廣順三年七月一日造今在正定府崇
寺因

上像記

上清濁位殊先圓蓋而後方上
□□□□才乃臻然後

列万象於上
上厥後繼有聖賢司牧生民育養万物上

□□□鎮□□之半千里北則簡子藏上
□□巨靈□

擘破水得潮宗東則列聖之上
上日中□□郡□而迥

秀俯衆岫以標奇迺神上
上晉□□□□既□方位各

有所司大體東嶽上
上靈不可辨而致敬洞府三千而

見奇玉簡上
上知莫能不可辨秘字死生無以易其文

故釋典上
上形不可辨罪福之源唯神為主福則昇而

樹則

上有缺幾字不可辨

慶而惡招殃宣尼令典

判官貞

並□□日齊明真嶽瀆之異靈誠乾坤之偉氣生則挺

出群之政光煥典書沒則揚下世之名輔匡神化茲地

也先無寶□空際有年□□□蕪□為茂草□□等恒

遵五耀忝□□□不能擇□以見從豈敢□□而自各

遂同鳩潤屋共□囊裝爰召村人卜時締構堂宇既立

廟兒得無命匠者審運丹青澄神繪塑遂於堂內塑六

曹判官并神鬼侍從及壁上隱塑變相等威容既立

不聞鳥鵲之喧聲棟宇方成似見雲雷之出去為一方

祈禱之地寔千年請福之場□□得犧牲並陳水陸□

薦楚人白雪全非鄭衛之聲趙□□歌惚入齊韶之韻

所額休牛放馬咸懽堯舜之□萬戶□□□禹湯之

化時大周廣順三年癸丑歲七月一日建

^上缺□州別駕張琛□□^下鵠字人^缺

^上缺□判官堂一座三間各三架并^下缺判官尊像

□□□變相等施主□□□都□首艾厚□

和超□^下缺^上李文珪李□□^下缺^上□□□

□耿□□王玠杜進楊□^下缺^上和□□□

却□劉瓊何□紀□^下缺□□□譚張

玠趙進劉暉□□齊超劉諲^下缺^上□□

□□□□朱榮□□^下缺

右幢無撰書人姓名字多殘泐今就記文中辨之知

記爲造判官堂并塑判官及神鬼侍從象而作記後
題□州別駕張琛其人無攷題名後又有判官堂一
座三間各三架云云案堂屋稱間架唐乾符五年武
安君白公廟記已有之此其繼也此幢向在正定府
治東關帝廟內南樂段布衣錫田訪得之

宋一

開化寺心經幢

幢高二尺三寸八分每面廣三寸十四行行字不等
正書乾德四年正月十五日造今在元氏縣開化寺
西禪堂

般若波羅蜜多心經

經文不錄

乾德四年正月十五日念法華維摩經苾芻令雅書
右幢苾芻令雅書翻譯名義集釋子稱謂篇苾芻草
名含五義喻出家人一體性柔軟喻忍辱二引蔓旁
布喻傳法三馨香遠聞喻戒德四能療疼痛喻斷惑
五不背日光喻向佛初學記道釋部尊勝經名爲苾
芻諸經名爲比丘

龍興寺鑄象修閣碑

碑高一丈三尺九寸廣五尺二寸二十七行行八十五字行書篆額失拓端拱二年正月十五日立今在
正定府城
隆興寺

大宋重修鑄鎮州龍興寺大悲像并閣碑銘并序

朝奉郎尚書兵部員外□知制誥柱國賜緋魚袋

臣田錫奉

勅撰

翰林待 詔將仕郎□少府□主簿 御書院柱

賜緋魚袋臣吳邦奉 勅書并篆額

國家收元日端拱之年有司下鎮陽之奏以大悲銅像
鎔範既久高閣精廬締構已就琢佗山之石圖請好詞
以銘錢秋七月 天子視朔于明堂之日

王言如綸乃命詞臣俾濡染撫實之文叙修□廢興之
事臣再拜稽首惶恐祗肅以為刻貞石垂不休揚

聖朝崇建之本末視後人耳目之聽信苟非鴻儒碩
生有大手筆空門實相達□心觀則安能抽秘思荅

明詔徒以末學膚淺昧道荒忽聊叙萬分之一也

夫隨感而通能救諸苦謂之大慈大悲乎應變無方能
現諸相謂之千手千眼乎然真性本空不生亦不滅冥
數前定有廢□有興周顯德中

世宗納近臣之

議以為奄有封畧不過千里所調租庸不豐邊備校貫
屢空於軍實算□莫濟於時湏於是詔天下毀銅像鼓
鑄以為錢貨利用以資帑財金人其萎梁本其壞化身
從革通有無於市征園府流□豈執著於我相而惟鎮
之邦惟鎮之民萬人聚千人計惜成功□見毀與上意
以中輟雖卜式出財以有助而黃皇執議以不迴泊像
壞之際於蓮葉之中有字曰遇顯卽毀無乃前定之數
乎物不可以終際必授之以興復時不可以終否必授

之以隆昌

我國家應乎天順□人並有周

之正朔造

皇宋之基業南取越西平蜀崇道教

興佛法無文咸秩昭像重興乾德中乃命重鑄大悲之像于是邦也虞衡伐木司燿用火法陰陽以為炭□天地以成鑑豈萬物之銅萬靈之庸憑

帝力以神

速因匠哲而功倍既而鎔成滿月之容如冠輕霞昇于
穎□青蓮為目天花飾躬四十二辟金色瞳眈七十三
口寶相穹隆仰之彌□瞻之益恭洎構以摩雲之閣如
褐蓬壺倚於遼廊□□旋題風清寶鐸十□三襲危梁
□躍重階複道飛棟電燿夕月瑩其藻繪朝霞飾其丹
雘有周之毀也既如彼

我宋之興也復如此

今皇帝嗣鴻業凝

睿圖運應千齡

道超三古成湯克己稱其德也謂齊聖廣淵帝堯為心
稱其道也曰聰明□思用七德誨五□□禮義德刑
為戰器壇四海宇萬方而以動植黎元躋壽域豆籩有
踐配烈祖於上金石成文謁先師於太學列儒臣
以侍講祀先農以躬耕禮容彬彬帝儀穆穆六

服羣辟罔不率□四夷左衽罔不□□延虎觀以議偃
兵訪鵠林以俟檢玉包匭述菁茅之職公車獻封禪之
書豈不由德動天天道順星辰軌道風雨咸若來浙師
俘晉主祥麟出黃河清天且弗違况於人乎佛猶其依
况於鬼神乎越太平興國之七年秋仲□月粵有□蓂

其名瓊法祇受

宣旨專主佛閣焚修勤恪住持

教化以為像之設也○閣之成也宜周之以廊宇嚴之以閑闕於是經之營之七年于茲化興○鳩衆財人心○財用備土木其萃班倕斯至始揆日以悅使俄有時而告成長廊翼舒迴暎○其千柱重門洞啓壯麗豁然四達然瓊法有如是勤如是化也是緣如是功乎噫民有餘財方能施佛財衆有羨利方能修福利引而伸之夫所寶者慈與儉所修者禮與樂叙彝倫建皇極生民所以獲福者中國 聖人之教也所去者貪嗔疑所修者戒之慧諸天由修福生諸趣由造罪入起無生證無漏者四方釋氏之教也然非 明聖在上

則像法疇依非富庶在下則塔廟不立今公帑有羨財
國廩有餘積可以營佛事創梵宮不害民不妨農農亦
有餘□民亦有經產可以捨淨財結善緣聞鐘磬之音
則隨喜之心生觀慈悲之相則□□□□起□花由是
獻金幣庄是臻讚
睿澤如東溟之深祝

聖壽若南山之固其應如響獲福無量也臣文非潤色
職在司言祇
詔榜程命筆數四以為文不迫意
意不迫理理不達於真諦文不稱於
王命江淹
才盡寧摘五色之毫相如思遲徒奉
九重之旨

銘曰

吾皇御宇 運膺下武 金玉王度 為佛法主 易

不云 聖人作而萬物覩 禮有中庸 易有變通

筌蹄至理 與佛 同臣所謂 王澤流而三寶方崇

天生蒸民 樹之司□□□ 帝力 謂衣食自足

所以歸依佛歸依法 而獲天人之福 佛度衆生

攝以慈悲 莫測神化 以感應無遺 所以不可

量不可思 而為□人之師 範金成象之容 瞻仰

雲中 傍雙列於□ □嚴厥功 上棟下宇之制

岌業空際 高特出於樓臺 彫鏤其麗 若土若

庶 至菩薩前 稽首法願 結其因緣 無遠無近

觀菩薩相 膜拜展禮 除其罪障 其毀也無乃

示有周□□ 其□也□以彰 皇宋其昌 詔下創

立聖謨洋洋 功成磊落 福善穰穰 鎮之邦

在冀之方 全趙封圻以畫野 恒山鬱盤以連崗

慈為雲兮敷蔭 慧為日兮揚光 祐我聖皇

寶祚□□

端拱二年歲次己丑正月癸未朔十五日丁酉建立

李思順李煥李繼元鐫字

右碑田錫撰吳郢書并篆額錫宋史有傳傳載錫以
太平興國八年轉起居舍人判登聞鼓院以本官知
制誥尋加兵部員外郎與碑列銜正合史稱端拱二
年京畿大旱錫上章忤宰相罷爲戶部郎中出知陳
州立碑時在正月錫尚未罷斥也吳郢無攷王世貞

弇州山人藁有大相國寺碑銘咸平四年宋白撰吳
郢書并篆額當卽此人其列銜爲翰林待詔將仕郎
□少府□主簿御書院祇候賜緋魚袋少府上下各
泐一字上當是試字下是監字職官志試秩內有寺
監主簿又少府監舊制判監事一人以朝官充元豐
官制行始制少監丞主簿各一人此碑在端拱時而
卽有少府監主簿則志所言者誤又選舉志云銓法
凡流外補選御書院翰林待詔書藝祇候十年以上
無犯者聽出職職官志云流外出官格御書院待詔
五年出左班殿直書藝十年出右班殿直御書祇候
十五年出借職並補正名後理據此則待詔祇候年

滿當出右職而郢之列銜爲少府主簿案洛陽縣淳化間田京白馬寺記其書碑人列銜爲翰林院待詔秘書丞同正兼御書院祇候又登封縣天禧三年中嶽醮告文書碑人劉太初列銜爲翰林待詔行少府監主簿則史所云待詔祇候出職之制亦不盡然或史據元豐官制後言之也龍興寺鑄象建閣事寺僧惠演記載之最詳惟奉命鑄象建閣之歲惠演及紹聖四年葛繁記並作開寶二年而此碑獨云乾德中命重鑄大悲象碑係奉勅所撰且去鑄象修閣時未久不應有誤當從此碑爲正又碑載周顯德中世宗詔毀銅象鑄錢象壞之際蓮葉中有字曰遇顯卽毀

云云事詳惠演記周世宗毀象鑄錢歐薛二史不詳其事資治通鑑有之玉海周世宗顯德二年九月丙寅詔禁天下銅器始議官鑄錢毀天下銅佛以鑄又僧贊因宋高僧傳唐鎮州大悲寺自覺大團中發願造鑄大悲象用赤金鼓鑄成高四十九尺梵相端嚴眼臂全具至周顯德初勅鑄九府圖法天下銅象一例除毀時州人相率出錢贖此相不允登卽爐橐鎔冶從頂至胸旋收銅汁斯須計料匠氏暴卒自此罷工迨宋太祖神德皇帝追鑄令全代懺前事云云可證鑄象之爲乾德而非開寶矣

棗城縣重修文宣王廟堂記

碑高五尺廣二尺四寸五分二十八行行五十二字
額題大宋真定府藁城縣重修文宣王廟堂記十六
字並正書有側大中祥符二年立元祐七
年正月二十六日重刻今在藁城縣學

大宋真定府藁城縣重修文宣王廟堂記并序

東海徐晟撰 彭城劉虞卿書 元祐七年正月十

六日主簿羅適道再上石

于以古之賢聖仁善哲智有理道於世者當普率之下
俾士庶蒸醜晨夕而服御其教寢興而飲飫其風者頗
多于今昔矣故得生立祠而死建廟齋嚴饗祀以時不
忘者有矣夫懿哉衆聖之內具茲全德者莫尚于我魯
宣父乎且衆賢聖以各善一端時仍共服獨宣父以洞
諸徧識名迺奚稱泊于仁善哲智者皆契宣父之道而

生矣故感普天之下州閭郡邑間靡不崇構建廟以莫
大之德而事之矣以莫渙之聖而奉之乎洎晉高祖之
御宇柴世宗之握圖二世昏蒙紀綱斯紊群臣姦佞上
下無常是致征討互興盜賊衆起南蠻謂之不歸北虜
謂之不服東形彗尾西見毛頭四海有地以交爭八表
無年而清肅賢思莫辯貴賤無分古廟靈祠倏忽而燬
成灰燼高岸深谷逡巡而掌草夷塗今臺城縣者白狄
舊封全趙屬□厥土惟上其民寔繁戶扇仁風市多君
子崇儒重本人皆富心在邑西南隅素有文宣王廟一
所傳以□構參差廊廡□映真容具美禋□以時遭彼
亂離焚毀俱殄斯後天驕漸息時將欲匡黃河猶是以

頻清里□於焉而數出是故有 我皇宋應運而起爲
時而生端拱臨軒垂衣御宇邦家保乂社稷傳芳 三
帝愈勝於三皇百代本枝於百世□□爲範示民有孚
華夏無虞中外咸肅元功惟序六府孔修黃屋貴而匪
心赤子微而是念戈戟銷偃文物茂興昭示 國庠明
啓□學□春誦夏絃之業勸秋禮冬詩之功率乎宇宙
之間化被無爲之教 我皇上海興大禮思被宣王是
千官變化之門故萬代紀綱之主慮茲方國及于下都
以前朝兵革之時損大聖栖神之境百寮忘本多士無
歸俾共力以興修使虔誠而藻飾今有知縣王公性本
稽古道寔通儒少踐科場長貴班職高抱崆峒之氣武

盡美焉博懷宣父之風德益善矣一同之內民歸父母之恩萬戶之間政在寬猛而理所感晨羊不飲夜犬無聲狡徒猶是以吞聲猾吏以之而屏迹寇賊率泯口部惟清常聆忠順之言每報孝慈之事年穀屢稔租賦無虧仁風旣行原草自偃邑內之賓從每序筵中之士子常臻述先王之道爲談珍論後賢之業存信寶爰稽世本景在儒宗一遵勅命以嚴明二仰先師而志篤仍討舊址悉變荒榛太原君遂以擇彼福庭在諸驛右自減清俸助建崇基致賓從多士靡不舞蹈而歸適焉餓□班匠還來□輸逝至梁棟山阜棖楠雲屯爭奮鉅以交馳施板榦而互起庸功者勤勤而盡力効智者孜孜

而殫心不月之餘諸相備□廟貌中堂而□若尊容正
位以生同四科左右以承顏誠疑請益十哲周旋而侍
側有若聆言三千之儒衆具陳六萬之博徒咸列望衮
冕以齊恭觀山龍而若懼垂衣南面端拱居尊睨峻宇
以敞然矚丹楹而煥尔綵棧□爛栢蕙繡新歌者斯臨
如過武城之下童兒忽至疑與互鄉之言饗彼牲牢之
盛魂無陳蔡之憂九仞之墻得窺六爻之義如享可謂
怡顏似語瞬目如生奏彼清音有疑聽矣祭之滋味寔
若嗜焉使登門者上泰山而見天高有及□者淤巨海
而知水濶德碩若是人皆仰之偉矣夫忖以昔賢往聖
未有不宗我宣王之教而行之者乎如晟者文苑小儒

詞林下客有魯鈍庸常之性乏洪筆麗藻之才雖耽古
聖之書莫善文章之趣旣承請託焉敢無言謹為頌曰
懿哉宣父厥德傳芳生知其道園□于方海
大難測天高莫量從茲下古出作彛章文垂
世範語立朝綱備物致用奚事不臧鴻漸其
教鳳至爲祥禮授周旦法祖文王窮神知化
捨短從長憶度容物仁恕無疆否於東魯
尊于有唐師保哲輔□飾明王天地比德日
月同光上善設化汪汪洋洋定儀立制穆穆
煌煌用之則行拾之則藏何險不□何患不
援奚大不察奚細不詳殼張萬有掌握毫芒

樹茲四序 分乎五常 今迨皇宋 厥譽弥彰

□□普率 祀□馨香 萬代之後 聖德蕃昌者也

大中祥符二年歲在己酉二月丁亥朔廿七日癸丑□
時樹 左班殿直銀青光祿大夫檢校太子賓客武騎
尉兵馬監押□知縣事王文化將仕郎守主簿王惟清
將仕郎守尉李元思

右記徐晟撰劉虞卿書晟虞卿事蹟無攷其所題東
海彭城皆係郡望而非本貫碑爲大中祥符二年所
樹而虞卿名下題元祐七年正月十六日主簿羅適
道再上石則此係元祐間重刻本眞宗本紀大中祥
符元年十一月加謚孔子曰園聖文宣王五年十二

月因國諱改謚至聖文宣王碑立於二年二月標題
園聖正與史合記末知縣事王文化守主簿王惟清
守尉李元思諸名方志皆失載選舉志云凡三班院
二十以上聽差使初任皆監當次任爲巡檢監押知
縣又職官志縣令條云若京朝幕官則爲知縣事有
戍兵則兼兵馬都監或監押文化以左班殿直監押
知縣正與制合又志云開寶三年詔諸縣千戶以上
置令簿尉四百戶以上置令尉令知主簿事四百戶
以下置簿兼知縣事橐城次畿在千戶以上故兼置
令簿尉耳

碑側

四行行四十
八字正書

押錄李鼎副押張詵錄事陸達手分邵京王莒靳珣彭
周常通張運崔盛魏詔王受許整李祐張通程諒田圭
董遇李常書□ 楊□□□魏新彭崇崔立宋淑賈□
貼司李茂趙珎王希谷平侯詠張翼田明左平王孜左
慮周乾張圍李祐楊勲張閏王□ 靳靖齊懷馬固郭
存張謹郝宇韓楚宋本靳孜李照楊開 □□ □俊
孫進雜職 馬倩□□節級監修陸錫大木作頭常進
小木作頭穆□

右碑側題名四行第一行書下一字磨滅當是書狀
書吏之類其餘有押錄副押錄事手分貼司雜職節

級諸名案五代會要周顯德二年九月一日銅禁勅有隱藏及埋窖使用者自一兩至五斤以上犯人及知情人以次問罪所由節級四鄰以次決杖是節級五代已有之又宋制禁軍廂軍皆置節級見宋史兵志橐城在宋本置戍兵此碑之節級當是兵馬都監下之軍校職官志尚書省左右司有手分四人主行校定省吏都事以下功過及遷補之事又六部尚書郎中御史臺及各衙門吏額內多有正貼司貼司之名又門下省中書省皆置錄事知當時州縣所置吏役其名多與都省相仿也

御製至聖文宣王贊並加號詔碑

碑高五尺八寸廣三尺七寸五分上截刻贊十三行
行十九字下截刻加號詔十三行行二十二字並行
書篆額大中祥符五年
八月立今在正定府學

御製

至聖文宣王贊 并序

御製

若夫檢玉 介丘迴輿闕里緬懷於

先聖躬謁於

嚴祠以為易俗化民既仰師於彛訓宗儒尊道宜益峻
於徽章增薦崇名聿陳明祀思形容於盛德爰刻鏤於
斯文贊曰

立言不朽 垂教無疆 昭然令德 偉哉素王 人

倫之表 帝道之綱 厥功實茂 其用允臧 井中

既畢 盛典載揚 洪名有赫 懿範弥彰

右上截

加號詔

王者順考古道懋建大猷崇四術以化民昭宣教本總
百王而致理丕變人文方啓迪於素風思肇揚於鴻烈
先聖文宣王道膺至聖體自生知以天縱之多能實人
倫之先覺神功侔於簡易景鑠配乎貞明惟列辟以尊
崇為億載之師表肆朕寡昧欽承命圉曷嘗不遵守昇
訓保乂中區屬以祔若 元符告成喬嶽觀風廣魯之
地飭駕數仞之墻躬謁遺祠緬懷遐躅仰明靈之如在

肅奠獻以惟寅是用敬簡祭之文昭聰敏之德聿舉追
崇之禮庶伸嚴奉之心備物典章垂之不朽誕告多士
昭示朕懷宜追謚曰

至聖文宣王祝文特進署仍令所司擇日備禮冊命并
脩飾祠廟祭器其廟內制度或未合典禮並令改正給
近便五戶以奉塋域仍差官以太牢致祭故茲詔示想
宜知悉

大中祥符元年十月二十四日東封禮畢十一月一
日車駕幸曲阜縣謁奠先聖文宣王命刑部尚書
溫仲舒等分奠七十二弟子先儒禮畢幸孔林是日

詔先聖加號

至聖文宣王

御製讚文

詔吏部

尚書張齊賢等次日以太牢致祭 詔充公顏子進封
充國公十哲閔子已下進封公曾子已下進封侯先儒
左邱明已下追封伯五年八月二十二日奉 勅諸

道州府軍監各於

至聖文宣王廟刻

御

製讀并詔

鎮州廟內建臣王嗣宗書

常山

趙口刻字

右下
截

右碑王嗣宗書案宋史禮志大中祥符元年封泰山
詔以十一月一日幸曲阜備禮謁文宣王廟追謚曰
園聖文宣王二年五月乙卯詔追封十哲爲公七十
二弟子爲侯先儒爲伯或贈官親製園聖文宣王贊

命宰相等撰顏子以下贊從官立石刻銘旣而以國
諱改謚至聖文宣王亦見真宗本紀玉海先是詔有
司檢討漢唐褒崇宣聖故事欲追謚爲帝或言宣父
周之陪臣周止稱王不當加帝號故第增美名春秋
演孔圖曰孔子母感黑帝而生故曰園聖莊子曰恬
淡園聖素王之道遂取以爲稱二年五月戊午御書
園聖文宣王贊示輔臣十月丙午詔刻於石壁又引
會要祥符二年五月戊午製文宣王贊示近臣十一
月中書門下言欲依張齊賢向敏中王嗣宗等乞觀
御製文宣王等贊及令丁謂等於廟堂宣示百官云
云嗣宗字希院汾州人開寶八年登進士甲科補秦

州司寇參軍官至左屯衛上將軍檢校太尉卒贈侍
中謚景莊事蹟具宋史本傳碑無立石年月攷嗣宗
傳嗣宗於大中祥符四年知邠州徙知鎮州發邊肅
姦賊肅坐貶居二歲召還授樞密副使檢校太保宰
輔表云大中祥符七年七月甲辰以同州觀察使王
嗣宗爲樞密副使與本傳所云由鎮州召授樞密副
合案眞宗本紀大中祥符五年四月乙丑樞密直學
士邊肅責授岳州團練副使嗣宗本係代肅知鎮者
則其出知鎮州大約在五年三月間其遷同州觀察
卽當在七年春本傳稍有舛誤眞宗改謚園聖爲至
聖在大中祥符五年十二月然則此碑之刻在六年

無疑矣又詔後記中有刑部尚書溫仲舒吏部尚書張齊賢宋史皆有傳至於五年勅諸道州府軍監各於至聖廟刻御製讚並詔本紀及禮志均不載此碑諸家所收僅曲阜孔廟本石墨鐫華謂他處易毀而孔林獨存然橐城碑旣完妙則他處亦必有存者王氏萃編以無羣臣分贊疑爲重摹之本又云末題一段當是後人所加今此刻亦無羣臣分贊并有末題一段知王氏之說爲不然矣

勅賜封崇寺額牒并記

碑高六尺五寸五分廣三尺上截刻牒文十行行字不等下截刻記并題名二十八行行三十五字並正書篆額大中祥符九年八月二十

五日立今在行唐縣城內封崇寺

敕賜對崇寺記

中書門下牒封崇寺

鎮州行唐縣古寺

牒奉

勅宜賜封崇寺爲額牒至准

勅故牒

大中祥符二年六月 日牒

工部侍郎叅知政事趙

尚書左丞叅知政事馮

中書侍郎兼刑部尚書平章事王

右
上
截

勅賜封崇寺為額記

成德軍節度推官徵事郎試大理評事監行唐縣酒稅董蒙亨撰男貽孫書并篆額

夫易象載有否有泰君陳明有廢有興其否泰廢興良有以也愚雖不佞敢試明之昔周園王事商紂如日入地中拘羑里之患豈非否哉暨乎否終則傾乃交於泰爾後子孫逢吉卜世三十享禩七百豈非泰也非商罪之貫盈商祚其何以廢非口主之至德周祚孰能以興斯則視之於彼而辭之於此如響之應聲言不虛爾茲寺也非逢衰世而不有廢也非遇

盛時而不能興也嗟呼興廢萬端不可殫言而已故略

舉一隅也封崇者乃古道濟寺也久而廢之自齊天保
七年為建置之始也隋開皇十一年重興像閣層構樓
臺鳳翅颺煙龍麟焮翠乃壯麗於中也晉開運二年大
戎犯邊是時君臣微弱力不能制以致趙魏之境千里
之地狼煙闕昏拘為茂草矣于時此寺遭蕩焚之罄焉
殿閣嚴像一而靡存緇流俘虜一而無返書曰火炎昆
岡玉石俱焚斯之謂也迄于今以長圖推之經七十有
二載矣

我大宋雍熙中有五臺僧懷興因巡禮□錫屆此觀其
舊址存焉有必葺之志乃呵狡獪叱猥狸翦拳蕭蒿析
除荆棘而安卓菴之所□聚徒衆僧廷義德濬智神智

從智巖知解各相次住持共誘居民旋化功庸之費以日繫時厯二十餘年院宇斯備尚以古寺為名祥符初聖上封泰山禪梁甫升中告成之際乃有當寺僧惠慶欲契

明朝之美彌堅改額之願我心匪石焉而匹夫不可奪其志也一旦謂同褐法潤曰大丈夫偶千年之運而不能革去其故鼎取其新胡顏為釋氏之徒與潤曰俞哉誓同其志也乃率潤拂衣奮跡揆日登塗潤乃說而隨之慶非利有攸往未浹辰間而南渡河共設焚舟之計暨親行闕觀大禮大禮畢

鑒輿還京至韋城乃上書於

駕前至祥符二

年秋七月十有一日降

勅賜封崇寺為額時也空門既耀梵宇生光顧

皇恩而赫赫俄臨榮觀電落荷

鴻休而兢兢

失次乍聽雷奔誓將塵芥之心用報乾坤之惠伏慮春
秋締遠陸失

綸言乃勒貞珉永彰不朽蒙亨

文虧富贍學昧該通既請命以堅承在固辭而靡敢是
乃直書荒斐聊紀歲時敢初筮於童蒙但包羞於作者
時大中祥符九年歲次丙辰八月二十五日記 中山
賈用才刊字

將仕郎守行唐縣主簿朱允恭 將仕郎守行唐縣令

孫宗望 三班借職鎮代州界巡檢道路高嶼

講法華經上生經沙門德濬同勾當立石 重修大像

閣功德主講唯識因明論梵綱上生下生經沙門廷義

立石 崇明院 講維摩經賜紫瓊超

下缺

右下截

右碑上截年月後列銜三行左行有姓而無名以宋

史攷之中書侍郎兼刑部尚書平章事王者爲王旦

尚書左丞參知政事馮者爲馮拯工部侍郎參知政

事趙者趙安仁也眞宗本紀景德二年四月癸卯馮

拯爲參知政事

宰輔表自工部侍郎除

三年戊戌以左丞參知

政事王旦爲工部尚書平章事己亥趙安仁參知政

事

宰輔表自知制誥翰林學士知右諫議大夫將

大中祥符元年十二月辛

丑王旦加中書侍郎兼刑部尚書大略與三人本傳及牒文列銜同惟本紀及宰輔表不書馮拯之遷尚書左丞及趙安仁之拜工部侍郎而拯安仁傳皆有之職官志宋承唐制以同平章事爲真相之任無常員省二人則分日知印以丞郎以上至三師爲之又參知政事掌副宰相毗大政參庶務乾德二年置初置時不押班不知印不升政事堂殿廷別設磚位勅尾著銜降宰相月俸雜牛給之開寶六年始詔與宰相同議政事至道元年詔宰相與參政輪班知印同升政事堂押勅齊銜行則並馬自寇準始碑下截勅賜寺額記童蒙亨撰男貽孫書并篆額蒙亨列銜爲

成德軍節度推官徵事郎試大理評事監行唐縣酒
稅案鎮州本唐成德軍節度使宋初因之推官爲節
度幕職見職官志又志云試秩幕職初授則試秘書
省校書郎再任至兩使推官則試大理評事又監當
官掌茶鹽酒稅場務征輸及冶鑄之事諸州軍隨事
置官文獻通攷熙寧十年以前天下諸州酒課歲額
眞定八務十萬貫以上行唐酒稅當卽所云眞定八
務之一又蒙亨散階爲徵事郎宋史職官志有承事
郎正八品無徵事郎通攷謂徵事郎隋散官唐因之
宋無又承事郎古無此階宋元豐更官制以承事郎
換大理評事案曲阜縣有太平興國八年文宣王廟

碑碑後題名有節度推官徵事郎試大理司直桑輔
正與此同可證宋初本有此階不知何時改易史志
及通攷殆未博攷前聞耳封崇寺府志謂隋開皇中
有崇辨大師得道受封故宋祥符中勅賜令名據此
碑則因升中禮成故以封崇爲額案續文獻通攷以
崇辨爲宋僧則是方志之言殊不足據記後題名有
將仕郎守行唐縣令孫宗望案職官志云凡除授皆
視寄祿官高一品以上者爲行下一品者爲守下二
品以下者爲試品同者不用行守試字今縣令孫宗
望之寄祿下於職事三品列銜不書試而書守與志
不合蓋此乃祥符中所立之碑而志所云乃元豐以

後之制也

勅賜慶成院額牒并記

殘碑高二尺七寸五分廣二尺六寸上截刻牒文十二行行字不等大中祥符七年十二月牒下截刻記二十二年行行存十一字並正書年月缺今在井陘縣

中書門下牒慶成院

鎮州井陘縣天威軍古蹟存留天宮院

牒奉

勅宜賜慶成院爲

額牒至准

勅故恠

大中祥符七年十二月 日恠

工部尚書叅知政事下

中書侍郎兼刑部尚書平章事向

守司空無門下侍郎平章事

右
上
截

勅賜慶成院額記

三下
缺

炎宋之

四帝以聖聖相承於時至治

下必尊儒以帝王口行

周孔

下

時時移谷口道無窮也則口

下

一體同功口環

其道口

下

不可以禮義口刑法崇者

下

於口口既達

生生之口復

下

於治世之理變通相須會

本朝先之以儒術明政化之口

下

之宗若鼎口時濟民

於善也

下缺

其梵宮僊館□□舊規

下缺

聖人留心□古

設教之深

下缺

先□□賜其額為慶成院

下缺

□□□久

□慶成□□

下缺

齊全□□□□

□□□□因而言

下缺

濟時以

謙□容□□□

之□

下缺

慈濟之法□□

萬□□□

下缺

□

率其徒□□□

□□

文名□

下缺

□□

三教之□

因文以□

□

志

下缺

本惣寺論之則助□拯

下缺

十九日建

內

殿承

下缺

右下

右碑上截次行有鎮州井陘縣天威軍古蹟存留天

宮院云云案宋史地理志真定府有天威軍又井陘

次畿熙寧六年省入獲鹿平山八年復置徙治天威

軍卽縣治置軍使隸府有天威軍小作口王家谷三砦正定府志天威故城在井陘縣東北五十里牒尾列銜三行以宋史攷之曰工部尚書參知政事丁者丁謂也曰中書侍郎兼刑部尚書平章事向者向敏中也曰守司空兼門下侍郎平章事而不書姓者王旦也宋徐度却掃編云舊制宰相官僕射以上勅尾不書姓蓋用唐故事元豐官制僕射爲宰相故不計寄祿官之高下皆不書姓云案王旦加司空在是年十一月己丑正判牒之前一月司空宋爲三公官在僕射上不書姓正與制合下截撰書人姓名及立石號年皆缺末一行有十九日建四字下有內殿承三

字攷職官志舊武選官使臣班第一爲內殿承制是
承下當是制字記中有炎宋之四帝以聖聖相承語
則碑刻於仁宗初無疑矣

碑陰

高三尺六寸廣一尺五寸十八行行字不等額題加
句步發佛頂尊勝陀羅尼咒十二字並正書無年月
經文不錄

將仕郎守井陘縣尉兼主簿王

下缺

將仕郎試秘書省校書郎守井陘縣令李

下缺

右碑陰下截殘缺咒後銜名兩行左行凡二人其名
皆缺碑無立石號年以列銜定之當是宋刻蓋宋以
後縣官無加試秩之例此正職官志所云幕職初授

則試秘書省校書郎之制又宋制縣不置簿則尉兼之井陘在宋雖係次畿大約以戶不滿千故仍以尉兼簿耳

淮陰侯廟碑

碑高六尺三寸廣二尺八寸二十五行行四十五字額題漢淮陰侯碑銘六字並正書慶應八年四月二日立今在獲鹿縣西土門關廟內

淮陰侯碑銘

皇宋慶應八年四月二日

邢國陳□撰

秦以力稱帝任私智以鞭笞天下民不勝痛思易其上以止之勝廣乘聚欲操戟木□猛士鱗附□□秦勢然率庸庸人無高才卓畫不足了大義及劉項起龍超虎

躍用六合之憤以滅獨□若翻巨石以擊瓦缶何□□
耶兩雄並峙勢疑而爭朝戰暮伐生靈未得出塗炭然
籍以剛暴濫賞漢以仁愛大器英雄多去□為漢用自
是興亡之理白日也韓公諱信少尚闊大奇偉不謹細
□始事項氏不得用脫身歸漢高帝用鄧侯言擢為大
將故得盡其才以驅馳天下為漢立戰功多矣史氏皆
漢臣謂公叛誅無一語及錙銖善惜哉謹條史事以明
公為初自漢中翼高帝出陳倉破三秦縛□□將魏豹
東出井陘一擊剪趙殺餘擒歇功名蓋天地威德震萬
里而師事亡虜謹奉順煦若豎蒙之為者以咨下燕齊
策□席是勢舉弱燕弊齊猶蒼搏孔雀舒翼則獲耳而

□□受謀於廣武君引由余百里奚事為證者何蓋知
圖天下之功當用天下之智豪傑之所蘊有一也其所
以異者用捨也計當時之士聞此聲□尺籌寸策者孰
不求用於公之□乎漢諸將之功無出公右者能多得
謀士然也史不載者脫畧耳後之人權位纔□尋丈矢
謀制事或得髮綫□則驕色傲氣艷艷見顏面謂舉在
無我對者矧爵尊勢重著絕立勲烈而師事困賤者耶
嗚呼公之風無嗣矣及侯淮陰也召疇昔辱已少年嘉
有壯才引為□□了不以□□意後之人平時有□
忽違戾一旦得志大必誅小必放苟脫去視其親□□
□尚未易前意况引而貴之耶嗚呼公之風無嗣矣當

□田□殺龍沮顧天下猶掌握中物耳而拒蒯通武涉之語忠貫金石豈卒反耶高帝偕群雄起草莽一朝已帝衆臣顧其□魏者不能無防益以呂□□忍故成其意咳□之戰項籍始死即襲奪公軍禍本兆矣雲夢檻歸雖畏天下之口赦而不誅禍體成矣海內已□□力無用不能知幾向晦鳴□冲下□疑以圖自全而有其功烈怏怏不滿遂陷鐘室之禍噫公之智明於時而暗□□知聖賢之始而不知聖賢之終每讀史至此未嘗不輟書而泣也公死彭越繼族由是廬綰英布輩指高后殺諸□□畏禍叛去屬天下新造瘡痍未完繼以大兵下益搔困而高帝竟以流矢不起斯呂后為己自湯

武而下□□業□石碓武明決無如漢高者而不克蹈
先王之美刑于寡妻爲後世慮牽帷箔之愛不忌嬖汚
□之干政及抱□□魯動干□□□啓藝宗室非忠義
之臣維持幾毀大業太史遷號通博明大體乃紀其史
同帝者□□婦人奪夫政必引□□爲典故以亂天下
者不可勝紀悲夫古人有言曰牝雞之晨惟家之索信
哉按易家人之初爻曰隣有家悔亡高□□不能閑家
以節法正別內外之位遂汨天地之大義其後悔可道
哉於戲聖人之言遵之則治捨之則亂□□明切也
慶園六季夏□□簿鹿泉東境乃昔背水戰處西境故
有祠謹□銘曰

養虎□獸 □□虎肥 心忘山林 遂觸殺機 時
雖曰宜 後人可悲

右碑銘邢國陳□撰陳君之名已剝蝕不可辨攷之
元致和元年楊先韓撰新遷淮陰侯廟碑知君名薦
所謂宋慶園間邢國陳薦廟碑是也薦字彥升邢州
沙河人舉進士調華陽尉從韓琦定州河東幕府又
用琦薦為秘閣校理判登聞檢院知太常禮院官至
資政殿學士宋史有傳惟史不言其為獲鹿主簿而
元祐五年鄭晴撰重修淮陰侯廟碑亦有故邑簿寶
文陳彥升其為卽此人無疑碑無書丹人姓名碑陰
有太原王孝孫書汾陽郭拱刻字碑陽當亦出於二

人之手

碑陰

記及題名共二十五
行行十八字正書

書淮陰侯碑陰

太原王孝孫書 汾陽郭拱刻字

漢高用寬仁帝有天下靈祚必延洪四百年由善將韓
公上奇滅趙之力此其地也故宜邑西五里山下有祠
焉慶曆丙戌夏六月

邢國陳君作簿上之再翌日造門恭謁退多感歎稱公
英雄乃以大功不防讒口遂有禍因筆千言俾厥忠意
昭昭然可永貽後代君臣鑒宜如此不吾曹邑中人聞

文成重義之欣然乞上石大淵猷年十二月五日進士
許扶述

進士周緯 進士張□ 進士王式 進士宋逮 進

士張勳約 進士賈□ 進士王宗旦 學究王溫其

學究張翊 學究劉賀 通禮張仲甫 將仕郎守

縣尉李慶 儒林郎主簿李富 三班借職監酒稅杜

成恩 文林郎守井陘縣令權縣事趙嗣宗

右碑陰記許扶述王孝孫書郭拱刻字拱見皇祐二
年曾宏撰元氏新建縣學記題進士郭拱篆額并刻
字當卽其人扶孝孫無攷記後題名有進士八人學
究二人通禮一人正定府志獲鹿縣志皆不載其名

宋史選舉志科目篇云初禮部貢舉設進士九經五經開元禮三史三禮三傳學究明經明法等科凡進士試詩賦論各一首策五道帖論語十帖對春秋禮記墨義十條凡三禮對墨義九十條凡開元禮凡三史各對三百條凡學究毛詩對墨義五十條論語十條爾雅孝經共十條周易尚書共二十五條又云凡三禮三傳通禮每十道義分經註六道疏義四道以六通爲合格案通禮卽開元禮諸人姓名上無及第出身同出身等字是以本科應舉而未登第者蓋宋時士人以本科應舉卽以所業書名石刻中恒見之

常山貞石志卷十一